

NIWAKATE HEBREUTEDI

Agica ane yowoogodi ane lidie nagadi niwakate hebreutedi, idoka oyowoogodi me judeu nigica ane idi. Oditibige me Paulo, ogoa domige Apolo ane idi. Moidi odidikotibige judeutedi anonakato Goniotagodi me dogoika monakato Goniotagodi Jesus, oditaga opitacelogo lakataga laamipi. Yelogoditiogi hebreutedi Jesus me nigijaaajioa Nigicoa ane niige Aneotedogoji me Gonewikatitogodi, codaa yelogodi nigina oko me dagadiaa yakadi me igenagatibigiwaji lodoe Aneotedogoji daga leegodi moyotete liigenatakanegeco Aneotedogoji ane iditedini Moises, codaa nigina modioteci lakataga judeutedi ane dagadiaagica ane jaogate. Moidi oyalagata nigijo jotigide lakatigi judeutedi sacerdotitedi maleegonigodi eijedi anoibootalo Aneotedogoji mowotibige Aneotedogoji me dagalee iloikatidi oko leegodi libeyacegeco. Eledi yalagata Jesus me gonisacerdoti gonegegi, codaa me nadoogodi lawodi meotedibige Aneotedogoji me dibatacedogogi. Lawodi Jesus godiwilegitema inoatawece ane gobeyacegeco. Ikee nigida gela anejinaga me idinilakidenagatege Aneotedogoji me dagaxa mele, aliciagi nigijo oxiiigodi domaga gonimawenegegi me idinilakidenagatege Aneotedogoji. Yalagatiogi nigijo laamipi judeutedi Aneotedogoji ane yakadi me igenagatibigiwaji leegodi monakato, idaaagida me nawikodeega.

Nigidiaagidi eo loniciwaga nigina anonakato Goniotagodi moyowo anodaageeteda Jesus me

dinatiteta ijoatawece lawikodico, odaa leeditibige midagaḡae modinatitalo lawikodico leegodi moditece Cristo. Codaa maḡaḡa onalaḡatibige niḡica noḡeedi anicota me yajigotediogi Aneotedoḡoji, niḡica ane daga daa. Noḡowidijedi lotaḡa jeḡeote ladeenagaḡeḡeco.

Aneotedoḡoji ibake Lionigi me dinikeetedoḡowa

¹ Niḡijo jotigide Aneotedoḡoji eliodi me notaḡaneḡetedi ḡodoiigi, codaa owidi anigotediogi me notaḡaneḡetedi niwace jotigide ḡodaamipi. Imonyatediogi niḡijo anoyeloḡoditedibece Aneotedoḡoji lowooko moditece ane yemaa. ² Pida natigide, niḡinoa owidijedi nokododi, Aneotedoḡoji ibake Lionigi me yeloḡodi niḡica ane yemaa. Aneotedoḡoji ibake Lionigi meote inoatawece aninoa ditibigimedi, codaa aninoa digoina iḡo, odaa ja iolatedice Lionigi me yajigoteta inoatawece mepoka nepiliditeda. ³ Lionigi datale digo mijoataḡa Aneotedoḡoji me datale, codaa liciagi Aneotedoḡoji. Ibake lotaḡa loniciweḡenaga me doweditedeloco codaa me ika midioka limedi minoa inoatawece niḡinoa ane jinataḡa. Niḡidiaaḡidi neḡeote nimaweneḡegi me napitaḡadi inoatawece ḡobeyaceḡeco, odaa ja nicotedini digoida ditibigimedi nimedi ḡoneḡegi liwai libaḡadi Aneotedoḡoji ane iḡe inoatawece. ⁴ Odaa jeḡeote me daḡaxa me ḡoneḡegi naḡaxatedeloco aanjotedi, digo anee Liboonagaḡadi ane yajigote Aneotedoḡoji me daḡaxa me ḡoneḡegi, aḡica liciagi. Aneotedoḡoji yajigote Liboonagaḡadi me “Lionigi”.

*Lotaganagaxi Aneotedofoji ikee Lionigi
Aneotedofoji me dagaxa me gonegegi caticedi
aanjotedi*

⁵ Lionigi dagaxa me gonegegi, igaataga
Aneotedofoji agica otigidatece daga eeteta
okanicodaagicata aanjo nigijoa lotaga aneeteta
Lionigi, nigijo meeteta,
“Akamokakaamita makaami Ionigi,
amina noko ja jaote me Ee Gadiodi.”
Eledi meeteta,
“Jegee Gadiodi,
codaa akaami Ionigi.”

⁶ Nigina Aneotedofoji me nadeegite Lionigi ane
dagaxa me gonegegi nigina iigo, eledi mee,
“Akaamitawecetiwaji anakaami niaanjotedi
Aneotedofoji
ogeetetalo Ionigi!”

⁷ Nigijo Aneotedofoji me yalagate aanjotedi, mee,
“Jaote iniaanjotedi micataga daga niwocotadi,
codaa nigidiwa iniaanjotedi ane iotaka dinoe
micataga daga galewaga.”

⁸ Pida nigina Aneotedofoji nagaga yalagate Li-
onigi, mee,
“Inoenogodi,
idioka limedi makaami ane diigenataka.
Nigina me iigeni nigina oko,
awii ganimawenegegi ane igenaga me
iigenatakani.

⁹ Emaani nigina ane igenaga,
codaa gadelegedi nigina ane beyagi.
Joanigidaa leegodi Ee,
Ganoenogodi Aneotedofoji,
me gadiolaatice,

codaa me ɣadiweniɣideni caticedi niɣijoa
 ɣadokaagetedipi,
 codaa jiɣidaa me jao meliodi me aniniitibeci.”

¹⁰ Aneotedoɣoji eledi yalaɣate Lionigi, niɣijo
 negee,

“Goniotagodi,
 niɣijo jotigide aniɣicatibige daɣa jinataɣa
 inoatawece aninoa,

jaɣakamaɣakaami ane oeni iiɣo,
 codaa abakeni ɣabaagatedi me oeni ditibigimedi.

¹¹ Odaa ditibigimedi inaa iiɣo icota me ma,
 pida akaami biɣidioka limedi makaami.

Ditibigimedi inaa iiɣo icota me laxokodi
 micataɣa nowoodaɣagi moxiigodi.

¹² Ateciɣitiwage macataɣa wetajaɣo,
 codaa me iikoegeni

micataɣa niɣina me jiikoenaga nowoodaɣagi
 oxiiigodi.

Pida akaami biɣidioka limedi makaami,
 adiniigi aneni,
 codaa aɣakaami oxiiigodi.”

¹³ Aneotedoɣoji aɣica deɣeeteta anigetigiɣo aanjo
 ane ligegiteta Lionigi, niɣijo mee,

“Anicooti digoina iwai ibaagadi
 nigepaaɣicota me jiiɣeke ɣaneloɣododipi.”

¹⁴ Inoatawece aanjotedi niwicidi anodibatema
 Aneotedoɣoji, ane iiɣe moyaxawa niɣina oko
 aneote me newiɣatace.

2

*Leeditibige me jatacoloɣoɣotece lotaɣa
 Aneotedoɣoji*

¹ Aneotedoꝑoji ibake Lionigi me ɣodotaɣaneɣe, odaa leeditibige me jatacoloꝑojoɣotece lotaɣa anewi ane jajipaagatalo, amanagawini aɣejamaɣajoɣotice. ² Niɣijo nibodigi aanjotedi anodita Moisés ewi, codaa niɣijo aneote Aneotedoꝑoji iɣenaga niɣina me iloikatidi niɣijo oko leegotedi ijoatawece ane beyagi anowote, niɣijo midatibece me doɣoyiwaɣaditeda liigenatakanegeco Aneotedoꝑoji. ³ Enice nige deɣejiwaɣataɣateda lotaɣa ɣoneɣaga anonikeetoɣowa anodaagee Aneotedoꝑoji meote ɣodewiɣa, odaa aɣodiwoko niɣina nige limedi me iloikatidi oko leegodi libeyaceɣeco. Goniotaɣodi Jesus jiɣijaa odoejegi ane nikeetedoɣowa anodaagee Aneotedoꝑoji meote ɣodewiɣa. Odaa niɣidiaaɣidi niɣijo anowajipatalo joɣonatematitedoɣowa lotaɣa. ⁴ Aneotedoꝑoji ikee niɣinoa lotaɣa Lionigi mewi niɣina meote ɣobinico anoikee anicota me loenatagi Aneotedoꝑoji, inoa ɣodoxiceɣetedi, codaa me icilatidi owidi eelotaginadi, codaa niɣina me yajigotediogi oko lixaketedi anepaa yemaa me yajigotediogi, ane najigotedoɣowa Liwigo Aneotedoꝑoji.

Jesus jiɣijaageote ɣodewiɣa

⁵ Ejinagatece niɣicoa nokododi nige dopitedijo Aneotedoꝑoji Lionigi me diigenataka digoina iiɣo. Aneotedoꝑoji ayajigotediogi aanjotedi loniciwaɣa moiɣe niɣica gela iiɣo aneote anigida noko. ⁶ Maditaga lotaɣanaɣaxi Aneotedoꝑoji, iwoteloco Davi ane ligegitalo Aneotedoꝑoji, niɣijo mee, “Inoenogodi,

igaamee ina mowoo ina oko,
 ane liotedawaana,
 ane digicata jaogate?
 Igaamee ina madowetiteloco ina oko ane digica
 loniciwaga?

⁷ Niɣijoa nokododawaanaɣa adianite Goneleegiwa
 ane icoɣotibigimece ditibigimedi,
 natinedi aanjotedi.

Pida natigide,
 jaɣaweniɣideni
 codaa jaɣajicitalo eliodi loniciwaga.

⁸ Codaa jaɣajicitalo loniciwaga
 codaa me naɣatetigi me iige inoatawece aninoa.”
 Niɣijo Aneotedoɣoji naga yajigote loniciwaga
 me iigete inoatawece, odaa aɣica idi ane daga
 yajigote niɣijoa Goneleegiwa ane icoɣotibigimece
 ditibigimedi me iige. Pida natigide jinataɣa
 aɣinatawece oko oyiwaɣadi. ⁹ Pida ijoa
 me jinataɣa Jesus. Onateciɣijoa nokododi
 Aneotedoɣoji ideyate Jesus natinedi aanjotedi,
 eotedibige me yeleotetema inatawece oko meote
 lewiɣa, leegodi Aneotedoɣoji me iwikode niɣina
 oko. Joaniɣidaa leegodi Aneotedoɣoji naga
 iweniɣide codaa me yajigote eliodi loniciwaga.

¹⁰ Aneotedoɣoji eote inoatawece aninoa
 codaa doweditedeloco inoatawece, codaa
 inoatawece nepilidi. Aneotedoɣoji nadeegite
 miniwataɣa eliodi oko meote me lionigipi, codaa
 me iweniɣide. Enice joaniɣidaa mewɪ, niɣijo
 meote lewiɣa oko, ika Jesus, me dawikode, odaa
 joaniɣidaa naga igodi libakedi. Jesus jiɣijaageote
 ɣodewiɣa, joaniɣidaa ane libakedi. ¹¹ Jesus
 iwilegitetema oko libeyacegeco. Odaa inatawece

ane yapiditibigiwaji, codaa jiginiagaaniwa ane godapitağadi, oada Eliodi, iniaaganiwa Godiodi. Joanigidaa leegodi Jesus aniboligatedogodici meetedogowa moko nioxoadipi. ¹² Maditaga notaganagaxi enaco, meete,

“Inoenogodi, ejitağadici miditaga inioxoadipi. Jogetetağawa liwigotigi gadoiigi nigina me yatecogo.”

¹³ Codaa eledi mee, “Emegeeta jağatalo Aneotedogoji.”

Eledi mee, “Ite Ee minatağa nigina oko ane najigotediwa Aneotedogoji, ane micatağa dağa lionigipi.”

¹⁴ Nigina oko aneete Jesus me lionigipi Aneotedogoji, Aneotedogoji eote lawodi codaa me libole. Joanigidaa leegodi nigijo Jesus nağa enitedini malee nigaanigawaanigi, Aneotedogoji yajigote lolaadi, lawodi codaa me liboledi. Eote lolaadi me liciagi godolaadi. Odaa jigidaagee menitedini liciagi okanicodaagica oko, eotedibige me yakadi me yeleo, oada ja inoke loniciwaga diaabo ane domigijo mida loniciwagateloco némağa. ¹⁵ Eleditace eotedibige me ikatedicoace nigina oko ane micatağa dağa niwilogjedipi leegodi modoitigi némağa inoatawece nokododi.

¹⁶ Ewi Jesus me dağa enagiteda me yaxawateda aanjotedi. Pida enagi me yaxawa nigina oko anida aneetege licoğegi Abraão. ¹⁷ Joanigidaa me leeditibige Jesus me diniciaceeketedogogi, me digicata ane diniwokotedogodici. Eote me godiciaceekawa, eotedibige me çonisacerdoti

gonegegi ane godiwikode codaa midioka limedi meote libakedi anele. Eleditace eotedibige me yakadi me yeleotetema gobeyacegeco, eotedibige Aneotedoꝑoji me daꝑadiaaꝑoko laagetedipi. ¹⁸ Dawikode niꝑijo me dineetalo ꝑodaxakawa, joaniꝑidaa leeꝑodi miniaaꝑiniwa yakadi me yaxawa niꝑina ane dineeta ꝑodaxakawa.

3

Jesus iniaa Moisés

¹ Inioxadipi, Aneotedoꝑoji ꝑadiolaatedicoace makaami nepilidi, codaa eniditedaꝑawa midioka limedi me ideoni miniwataꝑa, oada ina bogowoo Jesus, Niꝑijoa liꝑexegi Aneotedoꝑoji, jiꝑiniaa ꝑonisacerdoti ane daꝑaxa me gonegegi, okotawece ane jinakatonaga. ² Aneotedoꝑoji iolatedice meote niꝑida libakedi me ꝑonisacerdoti gonegegi, oada idioka limedi meote inoatawece Aneotedoꝑoji ane iꝑete meote, digo mijotaꝑa Moisés midioka limedi meo ijoatawece niꝑijoa Aneotedoꝑoji ane iꝑete meote me libaketedi liwigotigi Aneotedoꝑoji loiigi. ³ Niꝑina oko ane dabiteꝑetini diimigi daꝑaxa moiweniꝑide catedi niꝑini diimigi loenatagi. Jiꝑidaaꝑee Jesus leeditibige moiweniꝑide catedi Moisés, leeꝑodi liciagi niꝑijo ane dabiteꝑetini diimigi. ⁴ Natigide okanicodaaꝑica diimigi ini noenatagodi, pida Niꝑijoa ane yoe inoatawece baꝑa Aneotedoꝑoji. ⁵ Moisés idioka limedi mele me diba liwigotigi loiigi Aneotedoꝑoji, micataꝑa daꝑa niotagi ane dibatigi diimigi. Ikee niꝑica Aneotedoꝑoji ane yatemati nigidiaaꝑidi. ⁶ Pida Cristo baꝑa daꝑaxa

me ɣoneɣegi caticedi okanicodaagica niotagi. Igaataga eote ijoatawece nigijoa Aneotedoɣoji ane iigete meote, micataga nigina nionigi ane dowediteloco diimigi. Oko бага ɣodiciagi nigini diimigi, nigidioka limedi mabo ɣodaalegena, codaa nigidioka limedi me jinakatonaga mida ɣonagajegi ane inibeonagatege.

Gonajoinɣegi me daga jakakagataga ɣodaalegena

⁷ Odaa digawini ane ligegi Liwigo Aneotedoɣoji, mee,

“Nige ajipaatawiji ligegi Aneotedoɣoji nigina noko,

⁸ jinaga akakagati ɣadaalegenali, digo mijotaga anee jotigide ɣadaamipi miditaga nipodigi ane yadilo ane digicata nigeladimigipi,

noɣodakapetege Aneotedoɣoji, codaa modineetalo.”

⁹ “Odaa mee Aneotedoɣoji,

‘Digoida miditaga nigijo nipodigi ane yadilo, jotigide ɣadaamipi odineetiwa, idaagee monadi libinico ane jaote nigijoatigilo cwareenta nicaagape.

¹⁰ Joanigidaa leegodi me idelatema nigijo noiigi, odaa meji,

“Idi anidioka limedi meyamagaticoace inaigi codaa aɣoyemaa moyiwagadi iigenatakanegeco.”

¹¹ Odaa naga idelatema

oda ja jao igegitiogi meji,

“Nigidi aɣica ane yakadi micota nigidi nipenagadi ane jilakidetema yoiigi.” ’ ’ ”

¹² Inioxoadipi, adowetita adigica nigina akaamitiwaji ane abeyacege laalegena aneo

me daḡa nakatoteda Goniotagodi, codaa niḡida niciagi ḡadadeegiticogi ditigedi motonitedice Aneotedoḡoji, Niḡijoa ewikegi. ¹³ Pida akamaḡakaami adinoniciwaḡatitiwage inoatawece nokododi maleeḡakati majipaata ligegi Aneotedoḡoji, amanagawini aḡicoa niḡina akaamitiwaji ane dakake laaleḡena, leeḡodi libeyaceḡeco ane inaale. ¹⁴ Iḡaataḡa oko lokaḡetedipi Cristo nige idokee me jinakatonaga nigepaa ḡodiniogo, digo mijotaḡa me jinakatonaga maleekoka joleeḡatibige me jinakatonaga.

¹⁵ Iḡaataḡa mee lotaḡa Aneotedoḡoji, “Niḡajipaata ligegi Aneotedoḡoji niḡina noko, jinagaḡakakaḡati ḡadaaleḡenali, mijotaḡa anee jotigide ḡadaamipi noḡodakapeteḡe Aneotedoḡoji, codaa modineetalo.”

¹⁶ Amiidi ica anowajipatalo Aneotedoḡoji odaa niḡidiaaḡidi ja nakapeteḡi? Ijotawece niḡijo oko ane noḡaticoace Moisés me ideitice Egipto. ¹⁷ Amiidi ica Aneotedoḡoji ane yelatetema icotigilo cwareenta nicaaḡape? Yelatetema niḡijo anowote loenataka ane beyagi odaa ja nigo miditaḡa nipodigi ane yadilo ane diḡicata nigeladimigipi. ¹⁸ Niḡijo Aneotedoḡoji neḡeote ligegitediogi ica noiigi me doḡoyakadi motota ane yoetetema me nipenaḡadi loiigi, amiidi ica aneetediogi Aneotedoḡoji? Eetetece Aneotedoḡoji niḡijo ane doḡoyiwaḡaditeda. ¹⁹ Odaa ja jinataḡa aḡoyakadi motota niḡica nipodigi Aneotedoḡoji ane yemaa me yajigotediogi loiigi, leeḡodi me doḡonakatoteda.

4

Ica nipenaḡadi loiigi Aneotedoḡoji

¹ Aneotedoḡoji eote ligegitedoḡogi me jakataḡa me jakaḡatiwece codaa me inipenaḡatini miniwataḡa digoida ditibigimedi. Enice ele me idinowetaḡa adiḡica niḡina akaamitiwaji aneyamaḡatice, oditaḡa aḡalee yakadi me iwida niḡica ḡonipenaḡadi. ² Iḡataḡa oko eledi jajipaḡatalo nibodicetedi anele ane icogotedibigimece miniwataḡa Aneotedoḡoji, digo mijotaḡa ḡodaamipi mowajipatalo. Owajipatalo lotaḡa Aneotedoḡoji, pida niḡijo mowajipatalo aḡica anoniboloiteetece leeḡodi aḡoyiwagaḡadi. ³ Iḡataḡa niḡida moko baanaga jinakatonaga Goniotagodi, baḡa jakaḡatio miditaḡa ḡonipenaḡadi. Pida beḡeetediogi Aneotedoḡoji ḡodaamipi,

“Idelatema niḡijo oko

odaa ja jao igegitioḡi me diḡicata ane nakatiobece odaa anipenaḡa digoina meetaga”.

Aneotedoḡoji eote niḡida ligegi leeḡodi me dakapeteteḡe jotigide ḡodaamipi idaḡee naḡa igodi inoatawece me ilakidetedi nipenaḡadi.

⁴ Digawini anodaḡee Aneotedoḡoji me yalagata niḡica noko ḡonipeneḡegi maditaḡa lotaḡanaḡaxi, mee, “Aneotedoḡoji yadeegi dibatio ḡobaḡadi nokododi meote inoatawece ane loenataka, odaa neḡeledi noko jaḡanipetedini.”

⁵ Odaa ja yalagatace niḡica noko, niḡijo mee, “Aḡoyakadi me nakatiobece oditaḡa nipenaḡa meetaga.” ⁶ Niḡijo odoejedipi oko anowajipatalo nibodicetedi ane icogotedibigimece miniwataḡa

Aneotedoꝓoji adakatiobece miditaga ica domaꝓa nipenaꝓadi ane yoetetema Aneotedoꝓoji, leegoꝓi aꝓoyiwaꝓadi lotaga. Pida ina eledi oko aneꝓaꝓa dakatiobece miditaga niꝓica nipenaꝓadi. ⁷ Igaataga Aneotedoꝓoji ja iolatedice eledi noko anidokeyatedigi me “Niꝓina noko”. Niꝓijo jotigide ꝓodaamipi oyotigimade Aneotedoꝓoji. Odaa naꝓa ixomaꝓatedijo owidi nicaaꝓape, Aneotedoꝓoji ja iige Davi meetece niꝓijoa notaga baanaga ejinaꝓatece,

“Niꝓajipaata ligegi Aneotedoꝓoji niꝓina noko, jinaga akakaꝓati ꝓadaaleꝓenali!”

⁸ Josué daantaꝓa yaꝓeeꝓi niꝓijo noiigi miditaga niꝓica nipenaꝓadi anejinaꝓatece, daꝓanagaꝓini Aneotedoꝓoji aꝓeetetece niꝓidiaaꝓidi niꝓica eledi noko aneyatedigi me “Niꝓina noko”. ⁹ Odaa jiꝓidaaꝓee eꝓidita ica nipenaꝓadi Aneotedoꝓoji loiigi, digo mijoataꝓa Aneotedoꝓoji manipetedini naꝓa saabado naꝓa igodi inoataꝓece ane loenataka. ¹⁰ Igaataga niꝓijo ane dakatio manipetini miniwataꝓa Aneotedoꝓoji digoida ditibigimedi, niꝓini oko ja ika inoataꝓece libaketedi, digo mijoataꝓa Aneotedoꝓoji manipetedini odaa ja ika libakedi. ¹¹ Enice ele me idinoniciwaꝓataꝓa me jakakaꝓatio, me inipenaꝓatini miniwataꝓa Aneotedoꝓoji, amaleeꝓaꝓa aꝓica oko ane yotigimade Aneotedoꝓoji mijotaga jotigide ꝓodaamipi moyotigimade, odaa aꝓaleeꝓoyakadi me dakatiobece aneite Aneotedoꝓoji.

¹² Igaataga niꝓinoa notaga ane iwoteloco Aneotedoꝓoji lotaꝓanaꝓaxi liciagi niꝓina ane yewiꝓa codaa mida loniciwaꝓa. Yakadi me

dakatedio catedi me liciagi nodaajo-ocagataga ane dalepe idoatawece liwailidi. Igaataga niġinoa notaġa yakadi me yakagidi codaa me yawalacetiwage ġodowoko codaa me ġodiwigo, liciagi niġijo nodaajo me yakadi me iomaġaditege libitagi, libole. Niġinoa lotaġa Aneotedoġoji oiġee domige beyagi, oġoa, domigele niġinoa ane ġodemaanaġa, inoa ġodowoko catiwedi ġodaaleġena. ¹³ Aġica ane jakataġa me jaġataġatema Aneotedoġoji. Inoatawece ane loenataka yeloġotelogo, inoatawece naditedeloco. Codaa leeditibige me idinigeegatalo, inoatawece ane ġodoenataka.

Jesus ġonisacerdoti ġoneġegi anele

¹⁴ Enice ele me jatitaġateloġo ġotiwaġataneġegi, iġaataġa iniwa ġonisacerdoti ġoneġegi aneletedoġodomi, ane dakatediwece digoida ditibigimedi, lodoe Aneotedoġoji. Jesus jiġiniaa ġonisacerdoti, Lionigi Aneotedoġoji. ¹⁵ Niġiniwa ġonisacerdoti ġoneġegi yakadi me ġodiwikode niġina me ġodaġamalaga, codaa niġina me jawikodeeġa, iġaataġa Iniaaġiniwa odineetalo inoatawece anodigotalo, codaa me dawikode digo mokotaġa, pida baadeġeote ane beyagi. ¹⁶ Enice iniga lodoe Aneotedoġoji anidioka limedi meliodi meletedoġodomi, jiġigatalo me daġa idoiġigatalo amaleeġaġa ġodiwikode Aneotedoġoji, codaa amaleeġaġa eliodi meletedoġodomi, codaa me ġodaxawatetece niġinoa ġodaġalanaġa.

5

¹ Ijoatawece niġijoa ġoneleegiwadi ane

ijo me lacilodi-sacerdotitedi oiolaticoace liwigotigi eletidi goneleegiwadi, oixipeticoace modibatema Aneotedoḡoji moyaxawaeledi oko. Oyadeegitalo Aneotedoḡoji liboonaga niḡijo oko, codaa me niḡijoa eijedi anonigodi owotibige Aneotedoḡoji me ixomagateetedice niḡijoa libeyaceḡeco anowote niḡijo oko. ² Oyakadi moiwikode niḡijo oko niḡina mowote libatico ane doḡoyowoḡoditeda me beyagi, codaa niḡijo oko anoninaaletiniwace, oada jeḡeyamaḡaticoace, igaataga iniaagini idatecibece me naḡamalaga, codaa me dibatá. ³ Leegodi maḡaga dibatá, oada leeditibige maḡaga nigodi eijedi aḡijoka leegotedi niḡijo oko libeyaceḡeco, pidaeledi leegodi aagaḡa libeyaceḡeco. ⁴ Aḡica ane yakadi mepaa diniweniḡide codaa aḡica ane yakadi deḡepaa diniomaḡaditice me lacilo-sacerdotitedi niḡijo jotigide, pida ijokijo niḡijo Aneotedoḡoji ane iolatedice, codaa anenidite me niḡiniaa lacilo-sacerdotitedi, digo mijotaḡa niḡijo jotigide Aneotedoḡoji neḡenidite Arão me niḡijaa lacilo-sacerdotitedi.

⁵ Joaniḡidaa Cristo me daḡa diniweniḡideteda, codaa me deḡepaa dinixipetedice me niḡiniaa lacilo-sacerdotitedi. Pida Aneotedoḡoji epaa iweniḡide, niḡijo neḡeeteta,
 “Akaami Ionigi.

Niḡina noko jao me Ee Gadiodi.”

⁶ Miditaḡaeledi liwai lotaḡanaḡaxi Aneotedoḡoji, mee Aneotedoḡoji,
 “Idioka limedi makaami sacerdoti, ḡadiciagi mijotaḡa Melquisedeque, niḡijo jotigide.”

7 Niḡijo Jesus maleeḡinaaḡite digoina iigo, yotaḡaneḡetedibece Aneotedoḡoji, dipokote. Igedi me dotaga codaa datiidi me dipokote Aneotedoḡoji me noḡatedice lawikodigi niḡidaaḡoyatedigi moyametibigo neḡepaa yeleo. Odaa Aneotedoḡoji wajipate Jesus ane lipoketegi leeḡodi me yemaa meote icokica niḡica ane yemaa Aneotedoḡoji. 8 Idaaḡida me Lionigi Aneotedoḡoji, pida niḡijo Jesus naḡa dawikode, odaa ja yowoḡodi me leeditibige midioka limedi meyiwaḡadi Eliodi leeḡotedi lawikodico. 9 Niḡijo Jesus naḡa ixomaḡateetedijo ijoatawece ane leeditibige me lawikodico, odaa jeḡeote me Gonewikatitoḡodi. Odaa ja yakadi meote midioka limedi me newiḡa inatawece oko anoyiwaḡadi. 10 Odaa Aneotedoḡoji ja yeloḡoditedibece me niḡiniaa iolatedice Jesus me ḡonisacerdoti ḡoneḡegi, digo mijotaḡa Melquisedeque.

Leeditibige me ḡodili mejiwaḡatakanaḡa odaa aḡejamaḡajogotice

11 Ja domaḡa eliodi me idalaḡa Melquisedeque, pida dakake me jeloḡoditaḡawatiwaji ane diitigi, leeḡodi jaḡakakaḡati ḡadaaleḡenali, odaa aḡajipaatiwaji. 12 Ja leegi makaamitiwaji manakaton i Goniotagoḡodi, odaa ja domaḡakatitiwaji daḡakaami niḡaxinaḡanadi. Pida niḡida makaamitiwaji eleeditibige mini oko ane ḡadiiḡaxinitacece niḡinoa niḡaxinaḡaneḡeco ane daḡa dakaketeda maditaḡa Aneotedoḡoji lotaḡanaḡaxi. Niḡida makaamitiwaji jiḡide eni mi-cataga niḡina daḡakaamitace nigaanigipawaanigi anoyopotibige waca-lotiidi, analee doḡoyakadi

moyeligo niḡina baanaḡa niweenigi. ¹³ Niḡina nigaanigawaanigi baḡaleegilibi, ayakadi me yowoogoditece liigaxinaganegeco Aneotedogoji lotaḡa ane ikee anele, codaa ane beyagi, leegodi malee nigaanigawaanigi. ¹⁴ Pida niḡidaeledi niweenigi, liweenigi niḡina baanaḡa oko, niḡijo baanogoyowoogodi moiwi niḡina ane iḡenaḡa, inaḡina ane beyagi, odao owo inokina ane iḡenaḡa.

6

¹ Enice joleegatibige midapaḡa jiiḡaticogi odoe me idiniiḡaxinaḡa. Jikanaga me jiiḡaxinaganagatece niḡijoa odoe jidi niiḡaxinaganegeco ane daga dakaketeda anoditece Cristo. Odao ele me idiniiḡaxinaganagatece niiḡaxinaganegeco ane dakake, amaleegaga ili ḡotiwagatakanegegi. Jinaḡalee idiniiḡaxinaganagatece me leeditibige me idinilaanagatece ḡobeyacegeco anowo oko midioka limedi me yeleo, codaa jinaḡalee idiniiḡaxinaganagatece me leeditibige me jinakatonaga Aneotedogoji. ² Jinaḡalee idiniiḡaxinaganagatece niiḡaxinaganegegi aneetece me idinilegenaga, codaa anodaagee judeutedi me diniwilegi, codaa me niiḡaxinaganegegi aneetece anodaagee Liwigo Aneotedogoji me iḡe oko niḡina me jipekenagateloco ḡobaagatedi. Jinaḡalee idiniiḡaxinaganagatece niiḡaxinaganegegi aneetece anodaagee Aneotedogoji meote emagaga me newigatace, codaa anodaagee me iwi, odao midioka limedi me iloikatidi niḡina oko abeyacaḡaga. ³ Enice jikanaga inoa

niigaxinaganegeco, odaa idiniigaxinagatece niigaxinaganegeco бага dakake, nige godika Aneotedogoji me jaoga.

4 Odaa ele me joleegatibige midapaga jiiigaticogi odoe me idiniigaxinaga, igaataga niigijo aneyamagatice eliwaगतakanegegi, codaa ane dagalee yemaa me diotece Goniotagodi, agaleegica nimawenegegi me dinilaatace. Ja yowoogodi nilokokena Aneotedogoji, codaa ja ici niigijo nogeedi Aneotedogoji ane yajigoteta, codaa jigijo me deemitetece loniciwaga Liwigo Aneotedogoji catiwedi laalegena. ⁵⁻⁶ Jigijo me ici lotaga Aneotedogoji, odaa ja yowoogodi mele, codaa jigijo me ici niginoa lixaketedi anele ane yajigota Aneotedogoji Liwigo, nigeyamagatice odaa agalee yemaa me diotece Goniotagodi, agaleegica gonimawenegegi daga jaoga me dinilaatacece libeyacegeco, igaataga nigida anee micataga daga yototacedini Lionigi Aneotedogoji, odaa ja yametibigimece lodoeeledi oko.

7 Nigina oko liciaceekawa iigo. Igaataga nigina ebici midatibece menitinigi iigo, odaa iigo jiginoa ane nokologoteloco nawodigijedi anele, ane yemaa nawodaganaga, odaa Aneotedogoji ibinie nigidi iigo. ⁸ Pida nigina iigo minoka yajigoteda lalepigigoli inaa lewaga ane digicata aneletema, doidetibige Aneotedogoji me ixoo nigidi iigo, codaa me yalegi.

9 Pida idaaagidata mejinaga nigijoa godotaga, yokaagetedipi yemaanigipi, agejiwaगतakanaga dagamigiticoace, pida ejiwaगतaga midioka limedi me ikeeni anodaageni me gadewiki Aneotedogoji

meote gela gadewiḡa. ¹⁰ Aneotedoḡoji iḡenaga, codaa ayaagiditedibige niḡijo ḡabakedi anawiitiwaji, codaa me ḡademaanaga neḡegitalo anikeenitiwaji niḡijo maxawani codaa niḡina natigide maxawani ḡanioxo adipi, domoḡonoga libeyaceḡeco. ¹¹ Eliodi me jemaanaga moninotecibeci niḡina akaamitiwaji midioka limedi madinoniciwagaḡatitiwaji nigepaaḡicota niḡica owidijegi noko, amaleeḡaga abaatege niḡica ḡanaḡajegitiwaji ane nibeotaḡagi. ¹² Ajemaanaga daḡakaamitiwaji abaciḡegipi, pida iwitece anodaḡee niḡina aneniwagaḡakanaga, codaa odinatitalo inoatawece, amanagawini abaatege niḡica Aneotedoḡoji anee me yajigotedaḡawatiwaji.

Niḡina Aneotedoḡoji ane ligegi, idioka limedi meote

¹³ Niḡijo jotigide Aneotedoḡoji eote ligegitetege Abraão. Niḡijo neḡeote ligegitetege, Aneotedoḡoji ibake epaa Liboonagaḡadi, igaḡaga aḡicaeledi boonagaḡadi ane daḡaxa me ḡoneḡegi. ¹⁴ Niḡijo Aneotedoḡoji neḡeote ligegitetege Abraão, meeteta, “Jao igegitaḡagi jaotaḡadomi niḡina anele, codaa jaotaḡadomi mowidi ḡadionigipi, ḡadawaḡa.” ¹⁵ Abraão abotege me dinatita me nibeotege niḡijo ane ligegiteta Aneotedoḡoji, joaniḡidaa leeḡodi me dibatege niḡijo aneeteta Aneotedoḡoji me yajigote. ¹⁶ Niḡina oko mowo ligegi, oibakeeledi oko liboonagaḡadi ane daḡaxa me ḡoneḡegi moikee mowi mowo niḡida ane ligegi. Odaa niḡina mowo nigegitegeeledi oko, odaa ja yaagaḡadi okanicodaḡica

notigimadigi. ¹⁷ Aneotedoꝑoji yemaa meote me yenikamaꝑa moyowoꝑodi niꝑina oko niꝑica aneote ligegitetege. Yemaa me ikee me daꝑa anojicetetema ane ligegi. Joaniꝑidaa leeꝑodi me ibake epaa Liboonꝑadi niꝑina meote niꝑijo ligegitetege Abraão. ¹⁸ Joaniꝑidaaꝑee idoa itoataale ane daꝑa yakadita me diniigi: Jiꝑiniaa Aneotedoꝑoji aneote ligegi, codaa jiꝑiniaaꝑiniwa ane ibake epaa Liboonꝑadi. Odaa joaniꝑidaaꝑee Aneotedoꝑoji ayakadi daꝑa ꝑodinaale. Codaa joaniꝑidaa leeꝑodi me jotetaꝑatini, okomodi baanaꝑa jelaꝑatalo Aneotedoꝑoji me ꝑodotete, codaa jakataꝑa mabo ꝑodaalegena me inibeonꝑatege ꝑonaꝑajegi anicota me najjotetedoꝑowa. ¹⁹ Niꝑina me inibeonꝑatege niꝑica ꝑonaꝑajegi, ele me joleeꝑatibige me jotetaꝑateloco ꝑotiwꝑatakaneeꝑegi, odaa aꝑejamaꝑajotice daꝑa jotonaꝑatedice Aneotedoꝑoji. Niꝑina me jotetaꝑateloco ꝑotiwꝑatakaneeꝑegi, ꝑotiwꝑatakaneeꝑegi liciagi niꝑina ꝑapilecege anoyate catinedi ninyoꝑodi ane daꝑa ika niwatece me yadeegi ninyoꝑodi, igaataꝑa dotetetini. Inibeonꝑatege Niꝑijoa ane dakatediwece digoida lodoe Aneotedoꝑoji, micataꝑa niꝑijo lacilo-sacerdotitedi me dakatiobece Aneotedoꝑoji ligeladi, ixomaꝑatice caticedi naꝑajo lipegeteꝑe epoacajo, odaa ja dakatiwece digoida lodoe Aneotedoꝑoji. ²⁰ Jesus jiꝑijaa odoeꝑegi me dakatediwece lodoe Aneotedoꝑoji digoida ditibigimedi me ꝑodelegete. Jiꝑijaꝑijoa anidioka limedi me sacerdoti ꝑoneꝑegi, liciaceekawa mijotaꝑa sacerdoti Melquisedeque.

7

Melquisedeque, sacerdoti codaa me inionigieliodi

¹ Nigica jotigide ica Melquisedeque ninionigieliodi aca nigotağa ane libonağadi Salém, codaa me sacerdoti ane dibatema Aneotedoğoji ane iıge inoatawece. Nigica Abraão nağa dopitice me diwitide nigica nağa nigodi icoa ciinco inionağa-eloodoli anoidelege, odaa Melquisedeque jigigo dakapetege, odaa ja ibinie. ² Odaa Abraão ja yajigota Melquisedeque nidiizimo icoatawece nigicoa lateka ane nepilidi nigijoa inionağa-eloodoli. Ica libonağadi Melquisedeque one amina anejinağata “Inionigieliodi ane igenağa”, iniaagini ninionigieliodi aca Salém, amina anejinağa “Inionigieliodi aneote mele godaalegenali”. ³ Codaa ağica ane yowoğodi nigica eliodi oteğexağaga aca eliodo, oteğexağaga ica nelokododipi. Ağica ane yowoğodi ica negenitini, codaa ica nağa yeleo. Odaa ja liciagi Aneotedoğoji Lionigi, igaataga ijaagijo idioka limedi me sacerdoti.

⁴ Digowootiwaji Melquisedeque me dağaxa me gonegegi! Abraão aneliodi inatawece godoiigi pida yajigota Melquisedeque nidiizimo nigicoa lateka me diwitide. ⁵ Nigijo anida aneetege licoğegi Levi, nigijo lionigi Jacó, ane libatadegegi me sacerdotitedi. Nigijoa lajoinağanegeco Moisés iıge nigidiwa sacerdotitedi modibatege nidiizimo nigidi noiigi, inoatawece ane nepilidi, idaagee nigidi noiigi me nioxoadipi, codaa mida aneetege licoğegi Abraão. ⁶ Melquisedeque ağica aneetege

licoḡegi Levi, pida dibatege nidiizimo Abraão, liwai niḡicoa lateka. Odaa ja ibinie Abraão, niḡijo ane dibatege niḡijo ane ligegitetege Aneotedoḡoji me yajigote. ⁷ Ajawienatakanaga me niḡina ane ibinie eledi oko daḡaxa me ḡoneḡegi caticedi niḡini ane ibinie. ⁸ Niḡijo anida aneetege licoḡegi Levi anodibatibigege nidiizimo niḡica oko, liwai ane nepilidi, niḡidiwa ḡoneleegiwadi anodibatibigege baḡa nigo. Pida lotaganagaḡaxi Aneotedoḡoji mee niḡijo analeegini me yewiḡa ja dibatege nidiizimo Abraão, liwai lateka. ⁹ Jakataḡa mejinaḡa niḡijo Abraão naḡa yajigo nidiizimo, liwai lateka, odaa Levi micataḡa deḡeledi yajigota Melquisedeque nidiizimo niḡijo Abraão naḡa yajigo, liwai lateka. ¹⁰ Levi aniḡica deḡenitini, pida itigi lolaadi nelokodi Abraão niḡijo Abraão naḡa dakapetege Melquisedeque. (Joaniḡidaa leegodi me jakataḡa mejinaḡa Levi maḡaḡa yajigota Melquisedeque nidiizimo niḡijo Abraão naḡa yajigo liwai lateka.)

¹¹ Niḡijo Aneotedoḡoji naḡa yajigote loiigi Israel niḡijoa lajoinaḡaneḡeco Moisés, iḡe niḡijoa leviitatedi anida aneetege licoḡegi Arão me sacerdotitedi. Pida niḡijo libakedi ayakadi deḡeo niḡidi noiigi midioka limedi me newiḡa miniwataḡa Aneotedoḡoji. Joaniḡidaa leegodi naḡa leeditibige eledi latopagi sacerdoti, liciagi Melquisedeque, pida baadaḡa liciagi Arão. ¹² Pida niḡina me leeditibige me diniigi ane latopagi sacerdoti, odaa eledi leeditibige me diniigi lajoinaḡaneḡeco Moisés. ¹³ Lotaganagaḡaxi Aneotedoḡoji eetece niḡica eledi sacerdoti, codaa

eledi ane licoḡegi, aḡica aneetege licoḡegi Levi. Aḡica otiginitece oko niḡida ane licoḡegi ane dibatema Aneotedoḡoji me nigodi codaa me yalegi eijedi maditaga Aneotedoḡoji nameeja. ¹⁴ Jowoogotaga Goniotaḡodi mida aneetege ane licoḡegi Judá. Pida Moisés aḡica deḡee niḡina oko anida aneetege licoḡegi Judá daḡa yakadi mowo me sacerdoti.

Ica eledi sacerdoti ane liciagi Melquisedeque

¹⁵ Digawini jeḡeneḡegi yenikamaḡa naga diniigi anodaḡee sacerdoti, igaataḡa jeḡeno eledi ane latopagi sacerdoti ane liciaceekawa Melquisedeque. ¹⁶ Adinoe me sacerdoti daḡa leeḡotedi niḡenatakanegeco anowo licoḡegi Levi me sacerdotitedi. Pida dinoe me sacerdoti leeḡodi iniaa loniciwaga aneo midioka limedi me yewiḡa, igaataḡa aḡica ane yakadi me yaḡadi lewiḡa. ¹⁷ Igaataḡa lotaḡanaḡaxi Aneotedoḡoji eetece, niḡijo mee, “Idioka limedi makaami sacerdoti, ḡadiciaceekawa Melquisedeque.” ¹⁸ Jiḡidaa naga yaḡadi niḡijo lajoinaḡaneḡegi Moisés aneetece niḡica ane yakadi me sacerdoti. Igaataḡa niḡijo najoinaḡaneḡegi inokeo me sacerdoti niḡina oko ane diḡica loniciwaga, codaa ane diḡica ane jaoga. ¹⁹ Igaataḡa liḡenatakanegeco Aneotedoḡoji aḡica loniciwaga deḡeo oko me iḡenaga. Pida Aneotedoḡoji jeḡeote niḡica eledi ane daḡaxa meletoḡodomi ane inibeonaḡatege. Odaa leeḡodi niḡica ane inibeonaḡatege, odaa ja jakataḡa me jipecaḡatege Aneotedoḡoji, leeḡodi ḡodilaḡatege.

²⁰ Aneotedoḡoji eote ligegitetege Jesus niḡijo neḡeote me sacerdoti. Pida niḡijo anida aneetege

licoḡegi Levi niḡijo noḡowote me sacerdotitedi, Aneotedoḡoji aḡica deḡeote ligegitetege. ²¹ Pida niḡijo Jesus naḡa sacerdoti, Aneotedoḡoji eote ligegitetege, meeteta,

“Goniotagoḡodi Aneotedoḡoji eote ligegi codaa aiigi lowoogo.

Niḡida makaami idioka limedi makaami sacerdoti,

digo mijotaḡa Melquisedeque.”

²² Leeḡodi Aneotedoḡoji meote ligegitetege Jesus, oḡaa Jesus daḡaxa meliodi loniciwaga meote niḡijo Aneotedoḡoji ane ligegitetege, niḡijo neḡeote me ḡodilaḡatacege Aneotedoḡoji meote ḡodewiḡa.

²³ Digawini eledi ane jinaditece. Niḡijo jotigide ijoa owidi sacerdotitedi leeḡodi me nigo oḡaa aḡoyakadi midioka limedi me nibaaga. ²⁴ Pida Jesus biḡidioka limedi miniwa me yewiḡa, oḡaa yakadi midioka limedi me sacerdoti, oḡaa aleeditibige eledi sacerdoti ane waxodi limedi. ²⁵ Joaniḡidaa leeḡodi mida loniciwaga meote midioka limedi me newiḡa niḡina oko ane yadeegiteta Aneotedoḡoji, igaataḡa idioka limedi me yewiḡa me dipokotedibigeloco niḡidi oko miniwataḡa Aneotedoḡoji.

²⁶ Enice Jesus jiḡijaḡijoa niḡica sacerdoti ḡoneḡegi ane jopoḡatibige. Ijaḡijoa liciagi Aneotedoḡoji, aḡica deḡeote ane beyagi, aḡica nibeyaceḡegi catiwedi laaleḡena. Aneotedoḡoji iomaḡaditedice Jesus liwigotigi niḡina oko abeyacaḡaga, oḡaa Aneotedoḡoji ja yadeegi me ideite miniwataḡa mepaa iḡe inoatawece.

²⁷ Jesus aliciagi niḡijoa eletidi sacerdotitedi ane

leeditibige monigodi eijedi odaa joḡoyajigotalo Aneotedoḡoji inoatawece nokododi, leeḡotedi epaa libeyaceḡeco codaa me libeyaceḡeco eledi oko. Igaataga Jesus epaa diniboote Aneotedoḡoji leeḡotedi libeyaceḡeco oko. Odaa onijoteci meote, odaa aḡalee leeditibige deḡeotace, igaataga niḡijo aneote idioka limedi me diniwaloe. ²⁸ Niḡijoa lajoinaḡaneḡeco Moisés iolaticoace ḡoneleegiwadi me lacilodi-sacerdotitedi, pida niḡidiwa ḡoneleegiwadi inoa libeyaceḡeco. Pida niḡidiaaḡidi Moisés naḡa igodi me idi lajoinaḡaneḡeco, niḡidiaaḡidi Aneotedoḡoji jeḡeote ligegi, odaa ja iolatedice Lionigi, niḡijoa aneote midioka limedi me sacerdoti ane diḡica libatiigi.

8

Jesus ḡonisacerdoti ḡoneḡegi

¹ Ijoatawece niḡijoa ḡodotaḡa anejinaḡatece, idiwa ane daḡaxa me ḡoneḡaḡa baanaḡa ejinaḡa natigide. Iniwa ḡonisacerdoti ḡoneḡegi ane nicote liwai libaḡadi Aneotedoḡoji anida loniciwaḡatedeloco inoatawece. ² Niḡiniwa sacerdoti eote libakedi lodoe iniaaḡiniwa Aneotedoḡoji. Aḡeote libakedi catiwedi nopeḡedi liciagi niḡijo anowo loiigi Aneotedoḡoji niḡijo jotigide, pida libakadi niḡijo nimedi Goniotagodi Aneotedoḡoji ane yoetetema, nimedi ane iḡenaḡa, digoida ditibigimedi.

³ Ijoatawece lacilodi-sacerdotitedi oiolaticoace moyadeegitalo Aneotedoḡoji niḡicoa liboonaga niḡina oko, codaa minoa eijedi anonigodi,

owotibige Aneotedoꝓoji me ixomagateedice libeyacegeco. Joanigidaa leegodi me leeditibige ꝓonisacerdoti ꝓonegegi magaga leeditibige midu ica ane yadeegiteta Aneotedoꝓoji. ⁴ Diginaagite nigina iigo, agotaꝓa sacerdoti, igaataꝓa owidi sacerdotitedi anoyadeegitalo Aneotedoꝓoji liboonaga nigijo oko, ane liigenatakanegegi najoinaganegeco judeutedi. Codaa Cristo agica aneetetege licogegi Levi daga liciagi nigijoa eletidi sacerdotitedi. ⁵ Nigidiwa eletidi sacerdotitedi odibatema Aneotedoꝓoji catiwedi nopegedi ane liwigo nigica digoida ditibigimedi, codaa micataꝓa daga liwa nigica ane libakadi Jesus digoida ditibigimedi. Joanigidaa leegodi nigijo Moisés maleekoka doletibige meo ica lopegedi Aneotedoꝓoji, Aneotedoꝓoji yajoi meeteta, “Adowetita, awii liciagi nigini ꝓawinigi ane jikeetaꝓawa digoida maditaꝓa wetiꝓa.” ⁶ Pida natigide Cristo ja dibatetege libakedi ane daꝓaxa mele caticedi nigijoa jotigide libaketedi nigijoa sacerdotiteditigi nigina iigo. Codaa nigijo Jesus aneote eo Aneotedoꝓoji inaa ꝓoneleegiwadi moyakadi gela nimawenegegi me dinilakidetiwage, eo ane daꝓaxa mele, aliciagi nigijo jotigide anee me dinilakidetetege oko. Igaataꝓa nigijo Aneotedoꝓoji negeote ligegi, nigijo aneetetece daꝓaxa meletoꝓodomi.

⁷ Codaa nigijo odoejegi anigotedoꝓowa me dinilakidetedoꝓogi daaditaꝓa naꝓamalaga, Aneotedoꝓoji agotaꝓa leeditibige meote gela anigotedoꝓowa me dinilakidetedoꝓogi. ⁸ Pida Aneotedoꝓoji laaꝓetedipi loiigi, nigijo naꝓa

doḡowo niḡica ane dinilakidetetege, odaa jeḡee,
 “ ‘Icotalo nokododi’,
 mee Goniotaḡodi Aneotedoḡoji,
 ‘Nige jao gela anejigo me idinilakidetetege loiigi
 Israel,
 codaa me loiigi Judá.

⁹ Niḡida gela anejigotaḡawatiwaji me
 idinilakidetagaḡi
 aliciagi niḡijo oxiiḡodi
 anejigota me idinilakidetetege jotigide ḡadaamipi,
 niḡijo noko naḡa jibatigi libaaḡatedi me jadeegit-
 icogi wetice niḡo Eḡito.

Pida aḡowo niḡijo ane igegi me idinilakidetetege,
 joaniḡidaa leeḡodi naḡa jikaticoace’,
 eledi mee Goniotaḡodi Aneotedoḡoji.

¹⁰ ‘Nigicotalo nokododi,
 nigicota me idinilakidetacege loiigi Israel,
 jiḡidaaḡee’,
 eleditace mee Goniotaḡodi Aneotedoḡoji.
 ‘Jao midioka limedi moyowo iḡenatakanegeco.
 Codaa jixotediwece catiwedi laaleḡenali
 micataḡa daḡa jiditedini.
 Jaotace me Ee Noenoḡodi,
 idiaaḡidi jaotace me yoiigi.

¹¹ Aḡaleegica ane leeditibige daḡa iḡaxi
 lipecaḡawa
 oteḡexaaḡaḡa nioxoa
 anodaḡee me yakadi me yowoḡodi Goniotaḡodi
 Aneotedoḡoji,
 iḡataḡa inatawece etidowoḡodi,
 niḡina ane daḡaxa me iwikodadipi
 codaa me niḡina ane daḡaxa me ḡoneḡaḡa.

¹² Iḡataḡa jiwikodetibigiwaji

codaa jixomagateetedice niġinoa ane daġa
 iġenagateda loenataka,
 codaa aġalee nalaġatibigiji ane libeyacegeco,
 codaa aġalee jiloikatiditibigiwaji.’ ”

¹³ Niġijo Aneotedoġoji me eetetece ica gela
 anigotedoġowa me dinilakidetedoġogi, ikee
 niġijo oxiiġodi ane domiġigotedoġowa me
 dinilakidetedoġogi me daġadiaaġica jaoga. Niġina
 ane daġadiaaġica jaoga, codaa moxiiġodi, jegele
 me ixomagaġtijo.

9

Niġica anodaagejinaġa mewi me joġeeġatalo Aneotedoġoji

¹ Digawini, niġijo Aneotedoġoji meote niġijo
 odoeġegi anigote me dinilakidetetege oko,
 ikeetediogi niġica ane leeditibige me eetibigiwaji
 niġina modoġetetalo niġijo oko, codaa ikeetediogi
 niġijo oko anodaagee moyoe niġijo aneiticoace
 modoġetetalo. ² Odaa joġodabiteġetini niġijo
 lopegedi anijoa iniwataale letiidi. Ica odoeġegi
 le beġeneġegi niġeticogi we, one liboonagadi,
 “Nopegedi-le anoimagaġaditema Aneotedoġoji”.
 Niġini lopegedi-le ada noledaġaxi, acaagaca
 nameeja, icaaġicoa paontedi anoibootalo
 Aneotedoġoji. ³ Codaa onada aca lipeġeteġe ane
 iomaġaditiwage niġidiwa iniwataale letiidi niġijo
 nopegedi. Ica eledi le aneneġegi diġetiwece
 catiwedi ane liboonagadi, “Nopegedi-le aneite
 Aneotedoġoji.” ⁴ Catiwedi niġini eledi nopegedi-
 le, adi aca nameeja oolo aneite moyalegi
 ica najidi ane liditege lanigi, codaa adi aca

iwokodaḡaxi aneo me nalaḡatibigoḡoji maleekoka dinilakidetedoḡoji Aneotedoḡoji. Naḡadi iwokodaḡaxi onileḡeta oolo. Catinedi naḡadi iwokodaḡaxi ada aca boote anei moyotete ica niweenigi Aneotedoḡoji ane yajigotediogi loiigi niḡijo jotigide, anodita “Maná”. Codaa catinedi adiaaḡadi naḡadi iwokodaḡaxi idi niḡijo ligiilaḡadi Arão anidioka limedi me dione, icaaḡicoa itiwataale wetiadi ane liciaceekawa taaboa ane diniditelogo liiḡenatakanegeco Aneotedoḡoji. ⁵ Ditibigimedi naḡadi iwokodaḡaxi idoa itoataale aanjotedi noenataka oolo, anoditalo “Querubins”. Niḡidoa querubins oikee Aneotedoḡoji miniwa. Oixaketedice labadi oyapoḡoditini libato naḡadi iwokodaḡaxi. Niḡidi ditibigimedi naḡadi iwokodaḡaxi one liboonaaḡadi “Banco aneite Aneotedoḡoji me iwikode oko.” Natigide aḡalee jakataḡa me jeloḡotaḡa anodaḡee ica nopegedi.

⁶ Niḡidiaaḡidi naḡa igo niḡicoa iniwataale letiidi niḡijo nopegedi, niḡijoa sacerdotitedi dakatiobece inoatawece nokododi catiwedi niḡijo odoejegi le niḡijo nopegedi. Dakatiobece mowote libakedi moyaxawa noiigi modoḡetetalo Aneotedoḡoji. ⁷ Pida ijotawece niḡijo ane lacilodi-sacerdotitedi me dakatiobece minitaḡaeledi nopegedi-le anoyatigi me “Nopegedi-le ane itedibiga Aneotedoḡoji”, codaa onidateci nicaaḡabi onidateci me dakatio. Niḡina me dakatio, idioka limedi me yadeḡitedio eijeegagi lawodi anoyeloadi. Ibootalo Aneotedoḡoji niḡijoa lawodi eijeegagi eotibige Aneotedoḡoji me ixomaḡateetedice epaaḡaḡa libeyaceḡeco, codaa me libeyaceḡeco niḡijo noiigi. ⁸ Leeḡodi

me ijokijota ica lacilo-sacerdotitedi me dakatio, Aneotedoꝓoji Liwigo ikee niꝓidi noiigi maleedaꝓa yakadi me dakatiobece aneite Aneotedoꝓoji. Niꝓijo maleeꝓica ica nopegedi, dinoxoco ica lapoagi miditaꝓa ica aneite Aneotedoꝓoji. ⁹ Ica nopegedi jotigide, nikeetoꝓowa ica ꝓoligi aneote Aneotedoꝓoji natigide mejoꝓota lodoe iniaaꝓiniwa Aneotedoꝓoji. Niꝓijoa eijedi inaaꝓinoa eletidi niboonaꝓa ica noiigi anoyajigotalo Aneotedoꝓoji niꝓica jotigide aꝓica loniciwaꝓa daga iwilegi laalegenali oko anoyemaa modoꝓetetalo Aneotedoꝓoji. ¹⁰ Icoa nakataꝓa jotigide inoka odiiꝓaxinaꝓatece ica anoyakadi mowacipeta codaa moyeligo, codaa anodaagee me niwilecaꝓa. Inaaꝓinoa lakataꝓa anetiꝓodiꝓaxitece anodaagee me idowetaꝓateloco ꝓodolaadi. Niꝓinoa nakataꝓa aꝓaleeꝓica niwaló niꝓijo Aneotedoꝓoji naꝓa dinilakidetacedoꝓoji.

¹¹ Pida Cristo jiꝓijoa menagi. Jiꝓiniaaꝓiniwa niꝓicoa sacerdoti ꝓoneꝓegi ane nadeegi inoa anele. Niꝓica nopegedi analeeꝓite me diba daꝓaxa mele caticedi niꝓijo oxiiꝓodi nopegedi, codaa aꝓica libeyacaꝓajegi. Igaataꝓa aꝓoneleegiwa loenataꝓi niꝓica nopegedi, codaa aꝓicatigi niꝓina iiꝓo. ¹² Niꝓijo naꝓa yakagiditedeloco niꝓini nopegedi, odaa ja dakatedio miditaꝓa aneite Aneotedoꝓoji. Onijoteci me dakatedio, codaa ayadeegitedio lawodi waxigida oteꝓexaaꝓaꝓa waca-lionigi. Pida yadeegitedio epaa lawodi me yajigote Aneotedoꝓoji, niꝓijoa lawodi ane nadooꝓodi madataꝓa nicenagaꝓate. Jiꝓidaa eotedibige Aneotedoꝓoji me yakadi me iwilegi

gobeyacegeco codaa meote midioka limedi me godewiga. ¹³ Niğica jotigide oibake lawodi waxigida codaa me alolanaga, icaagica lajimaga waaca lioneke anoyalegi, odaa joğoilaagağaditiogi oko abeyacağaga moiwilegitema loolatedi icoa libeyacegeco, owotibige moyakadi modoğetetalo Aneotedoğoji. ¹⁴ Pida lawodi Cristo dağaxa meliodi loniciwaga. Cristo ağica libeyacağajegi codaa ağica libatiigi. Codaa Liwigo, ane dağa yeleo, yaxawa me dinibooteta Aneotedoğoji. Lawodi iwilegitema godaalegena niğinoa godoenataka ane beyagi, niğinoa anowote me godelo. Godiwilegi eotedibige me jakatağa me jaoga gobakeditema Aneotedoğoji, ane ewikegi.

¹⁵ Leeğodi Cristo me dinibooteta Aneotedoğoji, jiğiniaağiniwa ane itedigi liwigotigi, Aneotedoğoji inaağoko, odaa jegeote gela nimaweneğegi me dinilakidetetege Aneotedoğoji inaağoko. Joanigidaageote Aneotedoğoji niğijo ane enidite me nepilidi, eotedibige moyakadi modibatege inoa anele anakaa ligegi Aneotedoğoji me yajigotediogi, niğinoa ane dağa daateda. Aneotedoğoji yakadi me yajigo niğinoa anele igaatağa niğijo Jesus nağa yeleo, odaa ja noğatedicoace oko me itelogo libeyacegeco anowote niğijo maleeğijo niğijo odoejegi nimaweneğegi me dinilakidetetege Aneotedoğoji.

¹⁶ Niğina me dinilakidetedoğogi Aneotedoğoji liciagi niğijo nakatigi midi niğina oko ane yeleo. Niğina me yeleo niğina oko ane dinepie. Nigidiaağidi niğicoa ane nepilidi joğoiğitaeledi oko anepaa yemaa me yajigota maleediğicatibige me yeleo. Odaa odibatege

nigicoa ane nepilidi idokidata nige yeleo nigijo oko. ¹⁷ Nigida nakatigi agica ane yaxawa nigijo anonibeotege modibatege ane nepilidi nigina oko analeedaga yeleo. Nigida nakatigi idoka diniwaloe nigina naga yeleo nigini ane dinepie, igaataga nigidiaagidi odaa niginaeledi jogoyakadi modibatege nigicoa ane nepilidi nigijo ane yeleo. ¹⁸ Joanigidaa leegodi nigijo odoejegi anigotedogowa me dinilakidetedogogi Aneotedogoji, nigijo jotigide idoka diniwaloe nigina monadoogodi lawodi eijedi. ¹⁹ Odoejegi Moisés me yelogoditiogi noiigi inoatawece liigenatakanegeco Aneotedogoji ane iigete me iditedini. Nigidiaagidi naga dibatalo lawodi wacawaanigi inaa waxigida, odaa ja yawanagaditege ninyogodi, odaa nigidiaagidi ja ibake aca nawodigije ane liboonagadi “hissopo” icaagica waxacoco lamodi anowo me ixagodi. Odaa ja dibatalo ijoa lawodi yawanagaditege ninyogodi, datikata nagada nawodigije, odaa ja iticogeteloco notaganagaxi aniwotelogo niigenatakanegeco, codaa iticogeteloco iditawece noiigi. ²⁰ Odaa jeege, “Nigidiwa lawodi joanigidiaa ane ikee Aneotedogoji meote anigotedagawa me dinilakidetedagagitiwaji. Dinilakidetedagagi Aneotedogoji mawii nigina ane iigetedagawa.” ²¹ Idaagaagigota Moisés me iticogeteloco lawodi lopegedi Aneotedogoji codaa inoatawece anoibake modogetetalo Aneotedogoji. ²² Ewi nigijo jotigide Aneotedogoji iige loiigi me domogoiwilegitalo icoatawece nigicoa lanodi anoibake modogetetalo. Oibake eijeeagagi lawodi

noḡoiwilegi. Idoka yakaditeda Aneotedoḡoji me ixomaḡateetedice libeyaceḡeco oko niḡina monadoḡodi lawodi eijedi.

Leeḡodi Cristo me yeleo, odaa ja yakadi Aneotedoḡoji me iwilegi ḡobeyaceḡeco

²³ Niḡinoa lanodi niḡini nopegedi anoiwilegitalo lawodi eijedi owote me liwigo niḡicoa anidiwa digoida ditibigimedi. Leeditibige moiwilegita lawodi eijedi niḡinoa enodi digoina iḡo. Pida icoa enodi digoida ditibigimedi oyopotibige lawodi ane daḡaxa mele me yapitaḡadi.

²⁴ Iḡaataḡa Cristo adakatediwece nopegedi ane loenatagi ḡoneleegiwa. Niḡijo nopegedi onowote me liwigo niḡica digoida ditibigimedi ane dakatediwece. Idiaa dakatediwece ditibigimedi lodoe Aneotedoḡoji me dipokotedoḡoloco natigide.

²⁵ Inoatawece nicaaḡape ica nisacerdoti-lacilo judeutedi dakatiwece Aneotedoḡoji liḡeladi. Dakatiobece niḡica diimigi-le Aneotedoḡoji ane iomaḡaditedice mepaaḡite, odaa yadeegitediobeci lawodi eijedi. Pida Cristo boḡonijotece me dakatedio me diniboote Aneotedoḡoji.

²⁶ Daḡaleetiḡidaaḡee daḡanagawini, idioka limedi me dawikode niḡijo maleekoka yoeteda Aneotedoḡoji niḡina iḡo codaa niḡina natigide. Pida aniḡidaaḡee. Natigide, ja dinojogotedini icoa owidijedi nokododi, odaa ja dinikee digoina iḡo onijoteci me dinikee me dinajigo me yeleo eotedibige me noḡa libeyaceḡeco oko. ²⁷ Inatawece oko icota me nigo, odaa onidateci me yeleo niḡina oko. Odaa Aneotedoḡoji ja iwi niḡica anigoteta. ²⁸ Jiḡidaaḡee

Cristo monijoteci me dinajigo moyeloadi. Yeleo eotedibige me noḡa libeyaceḡeco eliodi oko. Aḡaleegenagi daḡa yeletacedeloco oko libeyaceḡeco. Pida dopitedijo meote me newiḡatace ijotawece niḡijo anonibeoteḡe nige dopitacedijo.

10

¹ Icoa najoinaḡaneḡeco judeutedi micataḡa daḡa liwa niḡinoa anele Aneotedoḡoji ane niwakateetedibigoḡoji, codaa aliciagi micataḡa doḡoka liwigo. Odaa inoatawece nicaaḡape onigodi eijedi leeḡodi libeyaceḡeco, codaa owote anodaa niḡenatakaneeḡeco. Pida lemeḡegi niḡinoa eijedi aḡica loniciwaga deḡeo me iḡenaḡatibigiwaji, codaa aḡeo me diḡica libatiigi, niḡina oko anoyemaa mototalo Aneotedoḡoji.

² Niḡina oko anodoḡetetalo Aneotedoḡoji daaditiḡicata libatiigi oditaḡa ewi, aḡotaḡalee odeemitetece me dinilaagetee, codaa taḡaga oika monigodi inoa eijedi leeḡotedi libeyaceḡeco.

³ Pida aniḡidaaḡee. Niḡina monigodi eijedi, eotibige idokida ina oko monalaḡatibige inoa libeyaceḡeco inoatawece nicaaḡape. ⁴ Iḡataḡa lawodi alolanadi, waxigidatedi aḡica loniciwaga me noḡa libeyaceḡeco oko.

⁵ Joaniḡidaa leeḡodi maleeka doletibige Cristo menaḡi niḡina iḡo, odaa meeteta Aneotedoḡoji, “Aḡemaani niḡina oko monigodi eijedi leeḡotedi libeyaceḡeco oteḡexaaḡaga niḡinoa niḡoonagaḡawa niḡina oko.

Pida idi yolaadi ane oenitomi me jiḡeladetigi.

⁶ Ageo maniniitibeci niḡina oko moyalegi niḡinoa eijedi

maditaḡa ḡanameeja wetiḡa,
oteḡexaaḡaḡa niḡina monigodi niḡinoa eijedi.

⁷ Odaa meji,

‘Ite Ee ina, ja idigo, Inoenogodi,
janagi me jaote anemaani.

Jiḡidaaḡee moiditeloco aneetici maditaḡa
ḡadotaḡanaḡaxi.’ ”

⁸ Niḡijo Cristo neḡeetetece niḡijoa lotaḡa baanaḡa jidiḡatedini, mee, “Aḡemaani niḡina oko monigodi eijedi modoletibige monoḡa libeyaceḡeco, oteḡexaaḡaḡa niḡinoa liboonagataḡawa niḡina oko, oteḡexaaḡaḡa niḡina moyalegi niḡinoa eijedi maditaḡa ḡanameeja wetiḡa. Aḡaniniitibeci niḡina oko mowote niḡida loenataḡi.” Jiḡidaa ligegi, idaḡida monigodi eijedi anodaḡee icoa niḡenatakanegeco me ikeetiogi. ⁹ Odaa jeḡee Cristo, “Ite Ee ina, ja idigo, Inoenogodi. Janagi me jaote anemaani.” Jiḡidaaḡee Cristo me yaḡadi niḡijo ligileḡegi oxiiḡodi monigodi eijedi modoletibige monoḡa libeyaceḡeco niḡidi oko, odaa jeḡeote gela lakatigi niḡijo naḡa yajigo epaa lolaadi. ¹⁰ Leeḡodi Jesus Cristo meote ane yemaa Aneotedoḡoji, odaa yajigo epaa lolaadi moyeloadi, odaa onijoteci me yeleo leeḡotedi libeyaceḡeco oko, ḡodawalaceteteḡe ica ḡobeyaceḡegi eote moko nepilidi.

¹¹ Inoatawece nokododi niḡina sacerdoti judeu icotio meote ane libakedi, odaa elioditibece monigodi eijedi modoletibige monoḡa libeyaceḡeco oko. Pida lemeḡegi niḡijoa

eijedi ayakadi me noga libeyacegeco oko. ¹² Pida Jesus, ane Gonisacerdoti gonegegi, onijoteci me dinibootedio moyeloadi leegotedi libeyacegeco oko, odaa nigijo loenatagi idioka limedi me diniwaloe. Odaa nigidiaagidi ja nicotedi liwai libaaagadi Aneotedofoji. ¹³ Odaa jigidiaagite Jesus me walite nigepaaagicota Aneotedofoji meote me ipoditedeloco nelogododipi. ¹⁴ Jigidaagee Jesus onijoteci me yeleotedeloco libeyacegeco oko, odaa jigidaa leegodi meote midioka limedi me igenaga nigina oko anakaa iomagaditedicoace mepaa nepilidi.

¹⁵⁻¹⁶ Odaa ica Aneotedofoji Liwigo nikeetogowa nigidaagee. Igaataga odoejegi mee,
 “Jigidaagejigota me idinilakidetege ane jao niginoa nokododi,
 mee Goniotagodi Aneotedofoji,
 ‘Idejate iigenatakanegeco catiwedi laalegenali,
 codaa jaote midioka limedi moyowo
 iigenatakanegeco.’”

¹⁷ Nigidiaagidi mee,
 “Agalee jema daga nalagatibigiji nigicoa libey-
 acegeco,
 otegeexaagaga nigijo me degetidadiwagadi.”

¹⁸ Enice nigina Aneotedofoji naga noga libey-
 acegeco oko, agalee leeditibige dogonigodi eijedi
 leegotedi libeyacegeco.

Jakataga miniga jipecaagatege Aneotedofoji

¹⁹ Enice, inioxoadipi, abo godaalegena me jakagatio aneite Aneotedofoji leegodi Jesus me nadoogoditedogoloco lawodi. ²⁰ Eote gela gonaigi mejogetalo Aneotedofoji. Micataga

niḡica naigi daḡa igotece madataḡa aca lipegeteḡe epoacajo minitaḡa Aneotedoḡoji liḡeladi. Jesus, anewikeḡi, jiḡiniaaḡiniwa niḡijo naigi leeḡodi me yajigo epaa lolaadi moyaaḡadi, digo majotaga naḡajo lipegeteḡe epoacajo me daa. ²¹ Odaa ini ica ḡonisacerdoti ḡoneḡeḡi ane dowediteloco Aneotedoḡoji loiḡi. ²² Eñice iniga jipecaḡateḡe Aneotedoḡoji, jinaga jikanaga ḡodaaleḡena daḡa ḡodinaale, pida ejiwaḡataḡa ajawienaga. Lawodi Jesus noḡa moko nilaḡedi, odaa ḡodapiditema inoatawece ḡobeyaceḡeco, micataḡa niḡina ninyoḡodi ane yapidi me yapitaḡadi ḡodolaadi. ²³ Idioka limedi me inibeoonagaḡe ica ḡonaḡajegi Aneotedoḡoji ane liḡegitedoḡowa, me daḡa jawienagaḡeda, igaataḡa Aneotedoḡoji idioka limedi meote niḡina ane liḡeḡi. ²⁴ Eleditace, jowooga niḡica anodaḡee me jakataḡa me jaxawanaga me idatawece idinemaanaḡatiwage, codaa me jaxawanaga inatawece mowote anele. ²⁵ Jinaga jikanaga me jatecoḡojogo me jilokaḡateḡe eletidi anonakato Goniotagodi anee niḡina eledi oko, ane daḡa yatecoḡotibece. Pida joniciwaḡataḡa eledi oko, eneḡeḡi jaogate igaataḡa me jinataḡa ja niḡeḡi niḡica noko nige dopitedijo Goniotagodi.

²⁶ Igaataḡa nigidapaḡa iniwinagaḡa midioka limedi me jaoga ane beyagi, codaa nige daḡa jikanaga me jaoga, idaḡida naḡa jowoogotaḡa anewi, aḡica eledi ḡonimaweneḡeḡi menitedice ḡobeyaceḡeco. ²⁷ Pida idoka jakataḡa me idoiḡata niḡica noko Aneotedoḡoji nige iwi anigotedoḡowa, codaa me ḡodiloikatidi minitaḡa noledi ane daḡa

ipe, ane yalegi niḡicoa nelogododipi Aneotedoḡoji.
²⁸ Niḡica jotigide niḡina iniwataale oḡoa domige iniwatadiḡini oko noḡodi monadieledi oko meo ane daḡa ikata meo niḡijo liḡenatakanegeco Aneotedoḡoji, oḡaa oyeloadi niḡijo oko, aḡica doḡoiwikode. ²⁹ Enice amiida ica anakatitiwaji? Igamigote Aneotedoḡoji ina oko anododigotalo Lionigi Aneotedoḡoji micataḡa daḡa naagogo, codaa igamigigote Aneotedoḡoji niḡina oko ane daḡa deemitetigi lawodi Cristo, Aneotedoḡoji ane dibatetege, meote gela nimaweneḡegi me dinilakidetedoḡogi? Niḡidiwa lawodi eo niḡina oko me yapidi, pida niḡina oko ane daḡa deemitetigi lawodi Cristo idigotalo micataḡa daḡa liciaco eijedi lawodi. Codaa niḡina oko beyagi me dotaḡatibige Aneotedoḡoji Liwigo anidioka limedi meliodi meletedoḡodomi. Aneotedoḡoji eliodi me iloikatidi niḡina oko liciagi. ³⁰ Igaataḡa jowoḡotaḡa niḡijo nidigo anee, “Emeḡeeta jiloikatidi niḡina oko leeḡodi niḡinoa anowote ane beyagi, idinilakidetege.” Codaaeledi ijo nidigo anee, “Goniotagodi iwi anigotediogi loiigi.” ³¹ Nige iniaaḡiniwa Aneotedoḡoji ewikegi iwi anigote oko leeḡodi libeyaceḡegi, oḡaa niḡina oko eliodi me doḡitibigiwaji.

³² Analakitibigetiwaji anodaḡeni niḡijo jotigide. Niḡidiaaḡidi Aneotedoḡoji naḡa ikeetedaḡawatiwaji nilokokena, eliodi mawikodee, pida aḡetiḡadakati. ³³ Idatibece niḡina ḡanelogododipi etiḡadiweenigenitice codaa moyametibigaḡajitiwaji lodoe noiigi. Idatibece ja ḡadigomitiwaji me

adinawanagatitege niŋijoa ane nawikodeega.
³⁴ Niŋida makaamitiwaji iwikodeni niŋina ane idei niwilogonaŋaxi leegodi eliwaŋatakanegēgi, codaa ele maniniitibeci niŋina modoliceta niŋina ane ŋanebi, igaataga owoogotitiwaji me idi ŋanaŋajegi ane daŋaxa mele, codaa ane diŋicata daŋa daa. ³⁵ Enice idioka limedi mawii mabo ŋadaaleŋena manakatoni Aneotedoŋoji, igaataga yajigotedaŋawa niŋica ŋanaŋajegi anele. ³⁶ Adinatiitalo mawii ŋadawikodico Aneotedoŋoji ane yemaa, odaa nigidiaaŋidi akati mabaatege niŋijo ane ligegitedaŋawa me yajigotedaŋawa. ³⁷ Igaataga diniditelo loco lotaŋanaŋaxi Aneotedoŋoji,
 “Onanaŋateciŋidiwa nokododi,
 odaa Niŋijoa anicota menagi,
 jeŋenagi,
 codaa ayajebi.
³⁸ Odaa niŋina oko ane iŋenaŋa idioka limedi me yewiŋa leegodi me idadiwaŋadi. Pida niŋina oko anopitege lowidi, aŋeo me idinitibeci.”
³⁹ Niŋida moko aŋoko niŋina anopitege lowidi, odaa jaŋaniatagigipi. Pida baŋa ejiwaŋataga Goniotaŋodi, odaa idioka limedi me ŋodewiŋa.

11

Ica oko anoyiwaŋadi Goniotaŋodi

¹ Igamodaagee ica mewi mejiwaŋataga Goniotaŋodi? Niŋina mejiwaŋataga, aŋawien- atakanaga me jibaŋatege niŋica ŋanaŋajegi

ane ligegitedogowa Aneotedogoji. Nişina mejiwaşatanaşaga, jowoogotaşa mewi minoa nişicoa analee daşa jakataşa me jinataşa. ² Nişica jotigide inatecibece oko anonakato Aneotedogoji, odaa Aneotedogoji ninitedibece leegodi nişijo oko monakato.

³ Leegodi mejiwaşataşa, jowoogotaşa nişijo jotigide Aneotedogoji mee, odaa işşo, codaa minoatawece aninoa digoida ditibigimedi ja dinikee. Ibake nişinoa ane daşa jakataşa me jinataşa meote nişinoa ane jakataşa me jinataşa.

⁴ Nişijo jotigide, Abel naşa yadeegi eijeegagi me ibootalo Aneotedogoji, nişijo ane yadeegi daşaxa mele catedi nişijo liboonigi Caim anaşaga yadeegitalo Aneotedogoji leegodi Abel me nakato Aneotedogoji. Odaa leegodi Abel me nakato Aneotedogoji, odaa Aneotedogoji ikee me yakadi Abel me işşenaşa nişijo naşa dibatetege nişijo Abel liboonigitalo. Eleditace, leegodi Abel me nakato Aneotedogoji, odaa micataşa daşalee şşodotaşaneşe, idaaşidata naşa jotigide me yeleo.

⁵ Leegodi Enoque me nakato Aneotedogoji, odaa ayeleo, pida Aneotedogoji yadeegitedibigimece ditibigimedi, odaa aşaleegica monadi. Aneotedogoji lotaşanaşaxi mee Aneotedogoji me ninitedibece maleedişicatibige daşa yadeegitedibigimece ditibigimedi. ⁶ Nişina oko nişe daşa nakatoteda Aneotedogoji, nişina oko aşica nimaweneşegi dogodocaşatalo Aneotedogoji. Igaataşa nişina oko ane yemaa micotalo Aneotedogoji leeditibige meyiwaşadi miniwa Aneotedogoji, codaa Aneotedogoji me

yaxawa niḡina oko ane dinoniciwaḡadi me doletibige.

⁷ Leeḡodi Noé nakato Aneotedoḡoji, odaa wajipatalo niḡijo naḡa yajoitetece Aneotedoḡoji niḡinoa ane doide ane ixomaḡateetedijo, niḡinoa analee daḡa yakaditeda me nadi. Doitalo Aneotedoḡoji, odaa jeḡeo naḡajo etogo-nelegi, odaa jiḡidaa leeḡodi loiiḡiwepodi nebi naḡa iwoko niḡijo ninyoḡodi naḡa yapoḡoditini iḡo. Joaniḡidaa me ikee minatawece oko nilaagetedipi niḡina iḡo, odaa Aneotedoḡoji yakadi me iḡenaga Noé leeḡodi eliwaḡatakaneeḡegi.

⁸ Leeḡodi Abraão me nakato Aneotedoḡoji, odaa jeḡeyiwaḡadi niḡijo naḡa eniditeta. Odaa jiḡigo miditaḡa ica iḡo Aneotedoḡoji ane ligegita me yajigote me nebi. Niḡica naḡa noditice ayowoḡodi niḡica ane diiticogi. ⁹ Leeḡodi me nakato Aneotedoḡoji, odaa jiḡidiaa liḡeladi niḡidi nipodigi micataḡa daḡa iomiḡigi miditaḡa niḡidi nipodigi Aneotedoḡoji ane ligegite me yajigoteta. Diḡeladetigi nopeḡedi noiḡiwa Isaque ijaa Jacó. Aneotedoḡoji eledi ligegiteta Isaque ijaa Jacó me yajigotediogi idiaaḡidi niḡidi nipodigi. ¹⁰ Abraão liḡeladi nopeḡedi leeḡodi me nibeotege aca nigotaḡa Aneotedoḡoji ane lowoogo meote. Odaa jeḡeote naḡani nigotaḡa aninoa lipodaḡalatedi ane diḡicata ane yakadi me yaaḡadi.

¹¹ Leeḡodi monakato Aneotedoḡoji, odaa jeḡeote loniciwaḡa Abraão ajaa Sara mijo lionigi, idaaḡida naḡa laxokodi, codaa Sara mina aḡica lionigi majo. Aneotedoḡoji eote loniciwaḡa Abraão leeḡodi meyiwaḡadi niḡijo neḡeote ligegitetege.

¹² Abraão ja dağaxa moxiigodi dağaleegica lionigi, ja liciagi niğina oko émegegi. Pida mijo owidi lawağa, ajakatağa me inilaagatağa, liciagi yotetitedi digoida ditibigimedi, codaa me liciagi dotiwadi liniogotibece akiidi-eliodi.

¹³ Iditawece niğidi oko onakato Aneotedoğoji neğepaağicota me nigo. Niğidi oko anogodibatege niğica Aneotedoğoji ane ligegi me yajigotediogi, pida micatağa doğonadita digoida ditigedi, odaa joğoyiwağadi, codaa ninitibigiwaji niğijo noğonadi niğijoa Aneotedoğoji ane ligegi meote. Anodaagee mijo me newiğa ikee micatağa dağa iomağaga, codaa micatağa dağa oko ane diğica epaa ligeladi digoina iigo, idioka limedi malatitibigiwaji. ¹⁴ Niğina oko anowote niğida niciagi oikeetiogi inatawece oko modoletibige niğica nipodigi anicota me nebi. ¹⁵ Odaa ağalee lowoogo doğodopita niğicoa niğotedi anoicoğoticogi. Doğoyemaa me dopitibeci, domağa yakadi doğoyemaa. ¹⁶ Pida odoletibige nipodigi bağa dağaxa mele, niğica nipodigi digoida ditibigimedi. Odaa Aneotedoğoji aniboliğatetece moyatedigi “Inoenogodi”, igaatağa ja igodi me yoe nağaca nigotağa ane yajigotediogi.

¹⁷ Abraão nakato Aneotedoğoji niğijo Aneotedoğoji nağa dineeteta. Ibootalo Aneotedoğoji Isaque, niğijo anokijoteci me lionigi. Aneotedoğoji ligegiteta Abraão me yajigoteta owidi lawağa. Pida Abraão idokee me ibootalo Aneotedoğoji Isaque, codaa ja domağa igo me yeloadi me ibootema Aneotedoğoji.

18 Aneotedoꝑoji jigijo meete Abraão, “Jao Isaque me eniodi, codaa mowidi lawaga.” 19 Abraão yowoꝑodi codaa meyiwaꝑadi Aneotedoꝑoji me yakadi meotace me yewiꝑa Isaque, daꝑa yeleo. Niꝑijo Aneotedoꝑoji me daꝑa ikateda Abraão me yeloadi Isaque, odaa micataꝑa Aneotedoꝑoji deꝑeotace me yewiꝑa, oditaꝑa ja yopilaꝑadite Abraão.

20 Leegodi Isaque me nakato Aneotedoꝑoji, dipokotalo Aneotedoꝑoji me ibinie Jacó ijaa Esaú, codaa meletetema niꝑijo itoataale dinioxomigi niꝑijo malee newiꝑa.

21 Jacó nakato Aneotedoꝑoji, codaa joaniꝑidaa leegodi, niꝑijo naꝑa niꝑegi me yeleo, odaa ja dipokotalo Aneotedoꝑoji me ibinie ijoa itoataale lionaꝑa José. Niꝑijo naꝑa dipokotalo, Jacó digiilaꝑatedeta ligiilaꝑadi, odaa ja doꝑetetalo Aneotedoꝑoji.

22 José nakato Aneotedoꝑoji, niꝑijo naꝑa niꝑegi me yeleo, odaa jeꝑeetece niꝑica noko ica loiigi Israel micota me noditicoaci Egito. Odaa ja ya-joitece anodaa leeditibige modigota lolaadi nige yeleo.

23 Niꝑica jotigide eliododipi Moisés onakato Aneotedoꝑoji. Joaniꝑidaa leegodi moyaꝑaditini Moisés niꝑijo neꝑenitini, icoatigilo iniwatadiꝑini epenaitedi. Onadi me libinienigi niꝑica nigaanigawaanigi, codaa aꝑodoita moyotigimade liiꝑenatakaneeꝑegi ninionigi-eliodi Egito me nigodi nigaanigipawaanigi.

24 Leegodi me nakato Aneotedoꝑoji, Moisés naꝑa ꝑoneleegiwa odaa aꝑalee yemaa modita me lionigi aca liona Faraó, ninionigi-eliodi Egito.

25 Pida idapaḡa niwita me lawikodaḡawepodi loiigi Aneotedoḡoji, idiḡida ayemaa ḡaḡa dioteci lakataḡa noiigitigi Egito, oditaḡa eo ane beyagi. Leeḡodi me yowoḡodi monateciḡidiwa nokododi me ḡodewiḡa niḡina iḡo. 26 Moisés ḡaḡaxa me yakadi mele me dawikode codaa monietibige leeḡodi me dibatema Aneotedoḡoji, diḡo mijoataḡa Cristo me dawikode. Codaa ayakadi mele me nepilidi icoatawece niḡicoa ane niliicagajetecidi Egito. Codaa micataḡa ḡaḡa iwita niḡica naḡajegi Aneotedoḡoji ane yemaa me yajigoteta.

27 Moisés noditicogi nipodigi Egito leeḡodi me nakato Aneotedoḡoji, idiḡida aleḡodi ḡaḡa doita inionigi-eliodi ane yelatema. Dinatitalo inoatawece micataḡa ḡaḡa nadi niḡicoa Aneotedoḡoji, ane diḡica oko ane yakadi me nadi. 28 Leeḡodi eliwaḡatakaneeḡitema Aneotedoḡoji, oḡaa ja yojogoti oḡoejegi nalokegi anodita me Páscoa, oḡaa ja iḡe loiigi moyatitalo lapoaco lawodi waxacoco, eotibige ica aanjo ḡonematagodi me ḡaḡa nigoditeda oḡoejedi lionaḡa niḡidi loiigi Israel.

29 Leeḡodi monakato Aneotedoḡoji, loiigi Israel odigotinigi liwigotinigi akiidi-eliodi anodita me “Lixagoteḡegi”. Ica ninyoḡodi ja diḡoxati-coace, oḡaa joḡodigotinigi iḡo ane yadilo. Pida niḡijoa niodaḡawadi Egito niḡijo naḡa domaga diḡetita, oḡaa ninyoḡodi ja yapoḡoditiniwace, oḡaa joḡoḡeḡaḡa.

30 Leeḡodi eliwaḡatakaneeḡegi niḡijo noiigi Israel, niḡijo naḡa onawiile nibaloote nelegi

nigotaḡa Jericó niḡijoatigilo seete nokododi, odaa niḡijo baloote jegenitini. ³¹ Aca Raabe, one ewocoma, pida ikee me nakato Aneotedoḡoji niḡijo mele me dibatege catiwedi liḡeladi niḡijoa israelitadedi anigotibeci moiḡoadita nigotaḡa me diḡica ane yowoḡodi. Leeḡodi Raabe me nakato Aneotedoḡoji, odaa ayeleo aḡawatege niḡijo eledi niḡeladimigipi ane doḡoyiwaḡaditeda Aneotedoḡoji.

³² Jakadi daḡa jowidaḡatee yotaḡa, pida aḡaleeḡabo inimedi daḡa idalaḡata Gideão, Baraque, Sansão, Jefte, Davi, ijaa Samuel, ijaḡijo anoyeloḡoditedibece Aneotedoḡoji lowoko. ³³ Leeḡodi monakato Aneotedoḡoji, oideleḡe eletidi noiika, pida idokee moiḡeke. Niḡijo naḡa niḡenatakanaga owote niḡica ane iḡenaga, odaa Aneotedoḡoji ja yajigotediogi niḡijo ane liḡegitediogi meote. Leeḡodi monakato, Aneotedoḡoji noxoco liaontedi niolatedi niḡina midatibece ane doide. ³⁴ Ideite liwigotigi noledi, pida anabidaḡa, iwoko me nigodi nodaajo-ocaḡataḡa. Idiaḡidi ijo me aḡamalaḡaga, pida niḡidiaḡidi jeḡeote me loniciwegaḡa. Niḡina me nidelaḡa ida loniciwaga, odaa joḡoiḡeke inoa iodagaḡawadi iomaḡaga. ³⁵ Leeḡodi monakato Aneotedoḡoji, ijo iwaalepodi anodibataceḡe lionaga me newiḡatace, idaaḡida naḡa domaḡa nigo. Niḡijo eledi oko anidiaḡidi niḡidi noiigi nawikodeeḡa me iteloco libaaḡadi laxakawepodi neḡepaaḡicota me nigo. Aḡoyemaa me beyagi modotaḡatibige Aneotedoḡoji oditaḡa dinikaticoace me diniwilotibigiwaji

leegodi moyiwaḡadi Aneotedoḡoji meote me newiḡatace midioka limedi me idei Miniwataga, codaa meote ane daḡaxa mele lewiḡa. ³⁶ Ijo eledi onietiniwace codaa monalaketiniwace, inaaḡeledi oigoetiniwace, odaa oyokoletiwace niwilogonaḡaxi. ³⁷ Iditecibece onigidatiniwace, idiaaḡeledi oyociwigi natecoḡotedi, iditecibece odineetiogi oyatitigi nawikodico, idiaaḡeledi onigodi oyatitigi nodaajo-ocaḡataḡa. Idiaanaḡadiite, odinixotinigi lamodi waxacoco, codaa me waxigida. Madewetedipi, codaa oiatetibeci, oyametibigo. ³⁸ Idiaanaḡadiite wetice inoa nigotadi minoataḡa nipodaḡa ane yadilo ane diḡicata niḡeladimigipi, minoataḡa wetiadi, codaa modigeladetigilo niḡinoa lawimaḡajetedi-wetiadi, codaa me niḡinoa becoli catinedi iḡo. Aḡele niḡijo oko diḡidioka limedi me newiḡa liwigotigi niḡina oko anida aneeteḡe niḡina iḡo, igaataḡa daḡaxa meletibigiwaji, aliciagi niḡina oko anida aneeteḡe niḡina iḡo.

³⁹ Iditawece niḡidi oko owo Aneotedoḡoji meliodi me ninitedibece leegodi monakato. Pida anoḡodibateḡe niḡica Aneotedoḡoji ane ligegi me yajigotediogi. ⁴⁰ Leeditibige monibeoteḡe niḡica naḡajegi, igaataḡa Aneotedoḡoji lowoogo me najigotedoḡowa niḡica ḡonaḡajegi ane daḡaxa mele, odaa jaḡaḡa yajigotediogi idiaaḡidi niḡidi laḡajegi yawanaḡaditedoḡoji me yajigotediogi.

12

Aneotedoḡoji Godiodi

¹ Enice micataga daga idi eliodi oko anetigodiwi, nigijo baanoḡoikee monakato Aneotedoḡoji, ḡodiciagi nigina nalokodeḡecajo. Odaa leeḡodi meliodi anetigodiwi, jikanagaticoace inoatawece niginoa anetigodibeyacaḡadi, codaa minoatawece ḡobeyaceḡeco anetigodigoetini, odaa jaḡa ḡodoniciwaga me jalokodaḡaticogi odoe, codaa me idinatiḡatalo inoatawece ame ḡodawikodico. ² Iniga jalokodaga, idioka limedi me jiwinagatalo Jesus aneote me jakataga me ḡodewiḡatace, odaa icota me ḡodicooḡetacedini icaḡica nige naga ḡodeleo, leeḡodi me jinakatonaga. Igaataga Jesus akaa yowoḡodi nigidiaḡidi meliodi me ninitedibece. Joanigidaa leeḡodi me dinatiteta nigijoa lawikodico, codaa me dinatiteta niboliḡa nigijo naga yeletedeloco nicenaḡanagate. Natigide ja nicote liwai libaḡadi aca nibaanco ḡoneḡe aneite Aneotedoḡoji me nicotedi.

³ Amina beḡele mowoo. Ijaḡijoa Goniotagodi, eliodi me dawikode codaa dinatite ijoatawece ane beyagi anowotema nigijoa abeyacaḡaga. Joanigidaaḡee nigowootibige Goniotagodi, odaa aḡanigaaxetiwaji migetaga adinibadaani.

⁴ Nigina makapeteḡetiwaji ane beyagi, anigica daḡanadooḡoti ḡadawodi, digo mijoataga Jesus me nadooḡodi lawodi. ⁵ Pida ḡadaaḡititece nigijoa lotaga Aneotedoḡoji anowo ḡadoniciwaga, nigijo neḡetedaḡawatiwaji makaami lionigipi. Mee, "Tonigi,

atacolitece nigina Goniotagodi Aneotedoḡoji me ḡadiloikatiti.

Jinaga adinajicitini nigina me diojotedaḡadici.

6 Igaataga Goniotagodi Aneotedoꝑoji diojotetece niḡina lemaanigipi, codaa me iloikatidi inatawece niḡina ane di-batetege me lionigipi.”

7 Adinatiitalo ḡadawikodico micataḡa nionigi niḡina eliodi me iloikatidi. Igaataḡa niḡina mawikodee Aneotedoꝑoji idigotedaḡawatiwaji micataḡa makaami lionigipi. Aḡica ini nionigi ane doḡodiojotece eliiododipi. 8 Aneotedoꝑoji diojotetece inatawece lionigipi. Akaami nige daḡa diojotedaḡadici, odaa amewi makaami lionigi, pida dicakaami elinigi. 9 Niḡina ḡodiododipi metiḡodalake leeḡodi niḡina ane beyaḡi ane jaḡa, odaa niḡida moko jeemiteeḡatibige ḡodiododipi. Pida daḡaxatace me leeditibige mejiwaḡataḡa ḡodiodi ane ideite ditibigimedi ane iḡe niḡinoa niwicidi, odaa jiḡidaaḡele mejinaḡa me ḡodewiḡa. 10 Onateciḡidiwa nicaaḡape niḡina ḡodiododipi modiojotoḡodici niḡica anoyemaa modigotoḡowa anoyakadi meletogodomi. Pida Aneotedoꝑoji baḡa diojotedoḡodici niḡina meletogodomi eotedibige me idejinaḡa digo mijoataḡa me diḡicata libatiigi. 11 Niḡina me diojotedoḡodici, ica ina daḡa beyaḡitogodomi, aḡeo me ḡodinitibece. Pida nigidiaaḡidi, niḡijo Aneotedoꝑoji ane diojotetece icota moyakadi lewiḡa ane iḡenaḡa, codaa meote laaleḡena mele.

Notaḡa anetiḡodiladee

12-13 Enice awii mabo ḡadaaleḡena, codaa jinaḡadinopootiwaji leeḡotedi niḡinoa ḡadawikodico, micataḡa niḡina oko me dinigaaxe, ane dinigaaxe libaaḡatedi, codaa me

naḡamalaga lokotidi. Odaa jigidaagee maxawani niḡina oko ane degeliodi eliwaḡatakanegegi. Niḡidi oko liciagi niḡina oko alejaado. Pida nigodiotagaḡadicitiwaji me iwitece naigi ane iḡenaga, Odaa aḡalee wayoditibigiwaji, pida jeḡele mewaligitibigiwaji.

¹⁴ Oleetibige me ḡadewiki me daḡakapetege migetaga adinotigimadenitege eledi oko, codaa adinoniciwaḡatitiwaji me atamitege inoatawece ane beyagi, odaa ḡadewikitema iniokiniwateda Aneotedoḡoji. Niḡina oko ane daḡa dinatamaḡateetege ane beyagi ayakadi me nadi Goniotaḡodi Aneotedoḡoji. ¹⁵ Adinowetitiwaji me diḡica oko ane daḡadiaa yemaa Aneotedoḡoji meote aneletema. Codaa adinoweti adiḡicoa ane liciagi naḡana nawodigije ane bayodi, ane ili, oditaga jeḡeo eliodi oko me neelotikanaga leeḡodi niweneeno. Oditaga niḡidi oko joḡowo eliodi oko mowo libeyacegegi. ¹⁶ Codaa adinowetitiwaji adiḡicoa ane loomatewa ane daḡa lodawateda, oditaga aḡalee deemitetibige Aneotedoḡoji ane yemaa, mijotaga Esaú aneo niḡijo jotigide. Esaú iikoetege onidateci ḡinogo niweenigi niḡijoa ane domaḡa dibatege, leeḡodi modoejegi nionigi me domaḡa dibatege, niḡicoa ane nepilidi eliodi, diḡicota me yeleo eliodi. ¹⁷ Owoḡotitiwaji me domaḡa yemaa diḡidiaaḡidi daḡa dibatege mijotaga eliodi niḡicoa ane nepilidi mijo modoejegi me nionigi. Pida ayakadi igaataga aḡica nimaweneḡegi daḡa iigi niḡica baanaḡa igo, idaaḡee me domaḡa doletibige ica nimaweneḡegi, codaa anoetibece.

¹⁸ Niḡijo niḡicootalo Aneotedoḡoji, niḡida

makaamitiwaji aḡanagi anipecita ganigetigidi anakati mabaateloce, mijotaḡa loiigi Israel menagitibeci. Otota neḡepaa maditaḡa wetiḡa anodita Sinai. Onica noledi ane noditicogi naḡajo wetiḡa, nexogoteloco codaa eliodi me nexocaḡa, codaa me diwocotaka. ¹⁹ Odaa jonogowajipata ica layaageḡegi aca goloneeta icaḡica nigegi. Niḡica noḡowajipatalo Aneotedoḡoji me dotaḡa, odaa joḡodipokota me notokotedini. ²⁰ Odipokotalo me notokotedini leeḡodi aḡaleeḡoyakadi doḡodinaita niḡica liiḡenatakanegegi Niḡijoa ane dotaḡa, neḡee, “Codaa me eijeegagi, nige iḡotege naḡani wetiḡa, leeditibige monigidatice nigepaa yeleo.” ²¹ Niḡijo anonadi eliodi me doitiḡiwaji, codaa mee Moisés, “Jawigice me idoi.”

²² Pida micataḡa diḡicootatiwaji deḡepaa maditaḡa wetiḡa anodita Sião, codaa nigepaa manitaḡa nigotaḡa Aneotedoḡoji, Niḡijoa ewikegi. Codaa micataḡa diḡicootatiwaji neḡepaa naḡaca nigotaḡa digoida ditibigimedi, ane liboonagadi Jerusalém, onidiwa icoa anige liwokodi miili aanjotedi, yatecogo me naloogo. ²³ Odaa akaamitiwaji jḡicoota aneite Aneotedoḡoji lionigipi liidadi me yatecogo me naloogo. Niḡidi lionigipi idiwa liboonagatedi diniditedini digoida ditibigimedi. Akaamitiwaji aatalo Aneotedoḡoji ane iwi anigoteta inatawece oko, codaa managi neḡepaa aneite niḡijoa liwicidi niḡijo oko ane iḡenaḡatibigiwaji, Aneotedoḡoji aneote me diḡicata libatiigi. ²⁴ Odaa jaḡanagitiwaji miniwataḡa Jesus, Niḡijoa aneote gela anigotedaḡawa me dinilakidetedaḡagi

Aneotedoꝑoji, codaa me ilaagaꝑaditedice lawodi. Niꝑijo naꝑa nadooꝑodi lawodi, odaa ja noꝑatedice moko nilaagedi, odaa jeꝑeote niꝑica ane daꝑaxa mele, pida baadaꝑa liciagiteda Caim me nadooꝑodi lawodi Abel, odaa ja nilaagedi.

²⁵ Enice adinowetitiwaji me doꝑowocetege majipaata Niꝑijo ane ꝑadotaganegeni digoida ditibigimedi. Niꝑijo jotigide, niꝑijo anodowocetege mowajipata latematigo Aneotedoꝑoji ane yeloꝑodi digoina iꝑo, aꝑoiwokotibigiwaji, pida Aneotedoꝑoji iloikatidi. Nige doꝑoiwoko niꝑijo oko, oko eledi aꝑica ꝑonimaweneꝑegi daꝑa ꝑodiwoko nige daꝑa jibaꝑatege Aneotedoꝑoji lotaꝑa ane icoꝑotedibigimece ditibigimedi. ²⁶ Niꝑijo jotigide ica layaageꝑegi eo me datalale iꝑo. Pida natigide eote ligegi, mee, “Jaotace odanigidatece natalalaꝑa, pida aꝑinokina iꝑo me datalale, codaa me ditibigimedi datalale.” ²⁷ Niꝑina mee, “Jaotace odanigidatece”, nikeetedoꝑowa me itineꝑe codaa me ilatike niꝑinoa ane liidaꝑataꝑegi codaa me jakataꝑa me jinataꝑa, eotedibige niꝑina ane daꝑa ditineꝑe me yakadi midioka limedi me iteloco anei.

²⁸ Enice, ja jinataꝑa me jibaꝑatege niꝑica inioxigi ane digicata ane yakadi me igike, iniotagodeeꝑatalo Aneotedoꝑoji, codaa me joꝑeeꝑatalo niꝑica anodaa yemaateda, codaa me jeemiteeꝑatibige, codaa idoiꝑatalo niꝑina me joꝑeeꝑatalo. ²⁹ Igaataꝑa Gonoenoꝑodi liciagi niꝑina noledi ane yalegi inoatawece.

13

Anodaagee me jocaḡanaḡatalo Aneotedoḡoji

¹ Oleetibigetiwaji midioka limedi madinemaan-itiwage, igaataḡa akaami dinioxomigipi. ² Inigica daaditaḡa amedegeni niḡina anoyiwaḡadi Goniotaḡodi ane diḡica me ḡadowooḡotaḡipi niḡina mototaḡawa, igaataḡa jiḡijo oko anoimedeeḡe aanjotedi, pida aḡica doḡoyowoḡodi me aanjotedi. ³ Idioka limedi manalakitibigetiwaji maxawani niḡina anoyiwaḡadi Goniotaḡodi ane niwilogojedi, micataḡa daḡakaami eledi ḡaniwilagaḡawepodi. Eleditace oleetibige midioka limedi manalakitibige niḡina ane nawikodeeḡa leeḡodi eliwaḡatakaneeḡeḡi micataḡa daḡakaami eleditetiwaji ḡadawikodaḡawepodi.

⁴ Idatawece leeditibige me jeemiteeḡatibige niḡina oko ane wadonadi. Niḡinoa ḡoneleegiwadi, iwaalepodi wadonadi, leeditibige me loomatewa inokina ane lodawa. Igaataḡa Aneotedoḡoji iwi anigoteta codaa me iloikatidi niḡina oko ane loomatewa ane daḡa lodawa.

⁵ Jineḡewianaḡa emaani dinyeelo, pida aniniitibecitiwaji leeḡodi niḡica anidi makaamitaḡa, igaataḡa mee Aneotedoḡoji, “Aḡica daḡa ḡadikanitice, oteḡexaḡaḡa ḡadalatitiwaji.”

⁶ Odaa jakataḡa me daḡa jawienatakanaga, codaa mabo ḡodaaleḡena, mejinaḡa,
 “Iniotaḡodi Aneotedoḡoji Jiḡiniaa ane idaxawa,
 codaa aḡica ane idoita,
 igaataḡa niḡina oko aḡica loniciwaḡatiloce deḡeo
 ane beyagitomi.”

7 Analakitibigetiwaji nigijoa odoejedi gadacilodi anoyelogoditedagawa Aneotedojoji lotaga. Digowootiwaji nigica anodaagee midioka limedi monakato Goniotagodi negepaagicota me nigo. Akaamitiwaji anakatoni Goniotagodi, digo mijotaga monakato. 8 Igaataga Jesus Cristo adiniigi. Eginiaaginiwateda jotigide, ina noko, codaa midioka limedi nigijo anee, nigepaa ganigicatibige. 9 Enice jinaga domigikani inoa eletidi niigaxinaganegeco iomagaga degetigadadeegiticogi wetice nigijo naigi anewi, niigaxinaganegeco anodakapetege godiigaxinaganegeco. Ele nigina godiwigo me yeligo nigicoa anele Aneotedojoji anidioka limedi me godediatetece, idigida ayeligo nigicoa niigenatakanegeco anoditece niweenaga. Igaataga niginoa niigenatakanegeco anoditece niweenaga agoyaxawa oko anodoletibige moyotete niigenatakanegeco anowo me ili eliwagatakanegegi.

10 Icoa nisacerdotitedi judeutedi anodibatigi Aneotedojoji ligeladi oyeligo nigijoa eijedi anonigodi, odaa jogoyajigotalo Aneotedojoji. Pida baadogoyakadi moyeligo Nigijoa ane yeletedogodomi maditaga nameeja Aneotedojoji, nigijo ane jelicaaga. 11 Nigica lacilo-sacerdotitedi judeutedi yadeegi eijedi lawodi catiwedi nigica le Aneotedojoji ligeladi anoiomagaditema iniokiniwateda Aneotedojoji, igo me yajigotalo Aneotedojoji lawodi leegetedi nibeyacegeco. Pida nigijoa eijedi anonigodi бага oyadeegitedicogi we nigotaga, odaagoyalegiteda.

¹² Joaniḡidaa leeḡodi Jesus maḡaḡa yeleo wetice ica lapoagi-nelegi nigotaḡa, eotedibige me yakadi me ibake epaa lawodi me napitaḡadi libeyaceḡeco noiigi. ¹³ Enice inḡa miniwataḡa Jesus, micataḡa daḡa wetice nigotaḡa, codaa idinatiḡata niboliḡa digo mijoataḡa me dawikodetetema niboliḡa, niḡijo loiigi noḡonietedibige odaa joḡoyeloadi micataḡa daḡa ḡonematagodi. ¹⁴ Iḡataḡa niḡina iḡo aḡaca ḡonigotaḡa anidioka limedi mani, pida inibeonaḡateḡe ḡonigotaḡa anicota me ḡonebi ganigida noko.

¹⁵ Enice idioka limedi me jajicaḡatalo Aneotedoḡoji ḡoboonigitalo, ḡoboonigi me joḡeeḡatalo. Jesus yajigote ḡoboonigi Aneotedoḡoji. Niḡina me jibakenaḡa ḡonioladi me iniotagodeeḡatalo, me joḡeeḡata Liboonagadi.

¹⁶ Jiniḡikani mawii anele codaa mawalaceni niḡicoa ane ḡanepilidi adinaxawanitiwage, iḡataḡa niḡina me jaḡa niḡida anejinaḡa, micataḡa daḡa jaḡa noḡeedi Aneotedoḡoji niḡina aneliodi me yema.

¹⁷ Iwaḡati niḡinoa ḡadacilodi codaa mawii niḡica ane liḡenatakaneeḡeḡi. Iḡataḡa idioka limedi modoweditelogo ḡadiwicidi, codaa moilakidetedini naalewe miniwataḡa Aneotedoḡoji, niḡica ane libakedi. Nige iwaḡati, odaa ninitibigiwaji niḡina me nibaḡa. Pida nige daḡa iwaḡati odaa aḡeḡaḡalodipi codaa libakedi aḡadaxawanitiwaji.

¹⁸ Oleetibige midioka limedi motaḡaneeḡeni Aneotedoḡoji mipokitoḡoloco midioka limedi me jaḡa ane iḡenaḡa. Ajawienatakanaga me

daḡa jeemiteegatece moko nilaagedi catiwedi ḡodaalegenali. Odaa inoatawece ane jaogate jemaanaḡa me jaoga niḡina ane iḡenaḡa. ¹⁹ Pida jipokotaḡawatiwaji mepaanaga otaḡanegeni Aneotedoḡoji amaleeḡaḡa idimonyatace makaamitaḡa me diḡica ane jopaḡadi.

Jotaḡanegenaga Aneotedoḡoji

²⁰ Aneotedoḡoji Jiḡiniaaḡiniwa aneote ḡodaalegena mele. Eote Goniotaḡodi Jesus me yewiḡatace leeḡodi me nadooḡodi lawodi, odaa jiḡidaaḡee neḡeote ḡela anigote me dinilakideteteḡe Aneotedoḡoji inaa oko. Jesus liciagi niḡina nelegi nowienoḡodi waxacocoli (leeḡodi me doweditedeloco loiḡi). ²¹ Joaniḡidaa leeḡodi me jemaanaḡa Aneotedoḡoji me yajigotedaḡawatiwaji inoatawece anele anopootibige mawii niḡica ane yemaa. Codaa jemaanaḡa me ibake loniciwaga Jesus Cristo meote catiwedi ḡadaalegenali inoatawece anodocaḡatibigo. Odaa jiḡidaaḡee midioka limedi me jooḡeḡatalo Cristo. Amém.

Owidijedi notaḡa

²² Inioxoadipi, jipokotaḡawatiwaji niḡina majipaatalo niḡinoa yotaḡa, anejitece me ḡadoniciwagaḡi. Mabaateḡe codaa madinatiitalo yotaḡa, iḡaataga naḡadi iwakate ane jiditibigaḡaji aḡocaḡataḡa. ²³ Jemaa mowoḡotitiwaji ḡonioxoa Timóteo naḡa noditice me diniwilo. Nige age menotiwa, odaa jadeegi, ixigaḡawa nigejigo makaamitaḡatiwaji.

²⁴ Idecoaditibige iditawece ane lacilodi Aneotedoḡoji loiḡi, codaa miditawece Goniotaḡodi

loiigi digoida makaamitaḡatiwaji. Gonioxoadipitigi Itália eledi oyecoaditibigagaji.

²⁵ Jemaanaga Aneotedogoji midioka limedi meletedaḡadomitiwaji. Odaa jigidaagee. (Amém.)

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 13 Jul 2024 from source files
dated 29 Jan 2022
7128a549-e957-5460-8c56-0f5281edf264